

SUNDAY SCHOOL TRANSLATED MATERIALS
Middle Elementary and Older Elementary

March 5, 2017

Unang Dominggo sa Kwaresma: **Pagpili sa atong Kapalaran**

Teksto Nga Basahon: **Jeremias 1: 4-10; Mateo 16: 21-23**

Kinatibuk-ang Panghunahuna: Gipili ni Jesus ang pagtuman sa kabubut-on sa Dios ug kini maoy nahimo Niyang kapalaran. Sa dihang mopili usab kita sa pagsunod Kaniya, nahimo kining atong kapalaran.

Susi nga Panghunahuna: Si Jesus mituman sa kabubut-on sa Dios nga mamatay sa krus, nabanhaw gikan sa mga patay aron mahimong atong Manluluwas.

Pagsabot sa Teksto

Ang libro sa Jeremias libro kini nga nagahisgot sa propeta nga kinsang makusganong nasayud sa tawag gikan sa Dios ngadto sa usa ka propeta. Mao nga, iyang gisangyaw ang pulong nga gihatag sa Dios kaniya. Si Jeremias nagsugod sa pagpanagna tunga-tunga sa paghari ni Haring Josias (640-609) ug mipadayon sa paghari ni Jehoahaz (609), Jehoiakim (609-508), Jehoiachin (598-597) ug Zedekiah (597-586) . Panahon kini sa bagyo ug mga kabug-at nga mitabon sa dihang nga kagubot miabot sa tibuok nasud lakip ang Juda.

Jeremias 1:4-10 mao ang saysay sa panghitabo sa pagtawag ni propeta Jeremias. Dinhi sa pipila ka mga bersikulo, ang Dios klaro kaayo sa iyang tumong ug tinguha alang kang Jeremias bisan naa pa siya sa tagoangkan sa iyang inahan sa pagsulti sa Dios ngadto sa propeta: “Sa wala ko pa ikaw buhata, nasayud na ako kanimo.” Kini naghatag sa pagpasabot nga si Jeremias mao ang tawo nga gipili nga gipili na daan sa Dios. Ang Hebreo nga pagsulti niini mahubad sa “gipili” sa Gen. 18:19 ug sa Amos 3:2. Tungog kay siya man ang tumong sa pagpili sa Dios, ang Dios mipihig o migahin kaniya ug gitumong nga mahimong propeta, sa literal nga pagkasulti niini “ang usa nga gitawag na “ nga mahimong tigpamaba o tigsulti alang sa kanasuran lakip ang Juda. Apan si Jeremias nagbalibad sa dili pagsunod sa tawag sa Dios kay alang kaniya batan-on pa sya, apan sa iyang pagdili diretso gayud nga gipakgang sa Dios. Kay alang sa Dios ang pagka-batan-on ug ang pagka-walay kasinatian sa tawo dili maka-babag kon ang Dios maoy motawag. Ang Dios mosangkap ug mopalahutay sa tanan nga Iyang gipili bisan unsa pa ang hut-ong sa iyang pag-andam o bisan unsa siya ka kaangayan. Mao nga, Ang Dios miingon, “Ayaw kahadlok, kay ubanan ko Ikaw”, ang saad sa Dios sa Iyang mapadayunong pag-uban naka-kalma sa kahadlok ug kabalaka sa labing maduha-duhaon nga propeta. Ang Dios wala mosaad nga si Jeremias dili tamayon ug dili prisohon, ug nga walay bisan sa lawasnong kadaut nga moabot kaniya. Ang makanunayong presensya ug pag-uban sa Dios igo nga sa paggahum ug pagka-ligon sa propeta aron sa pagpadayon sa iyang tawag bisan unsa ang pwedeng mahitabo sa unahan diha sa iyang

pagsunod. Sa katapusan sa bersikulo 10, ang Dios mihatag kaniya sa upat ka pares nga lig-ong buhaton nga nagsaysay sa tahas ni Jeremias. Ang unang duha ka kusgang negatibo nga mao ang “pag-ibot” ug sa “pagpukan” ug “paglaglag” ug sa “paglumpag”, nagpakita kini sa kamatuoran nga si Jeremias mao ang propeta sa kadaut. Ang propeta maoy magsulti sa pagpanagna sa kadaot nga paghukom nga maoy magdala ngadto sa paghunong sa labing dautang panggamhanan ug ang klase sa ilang paggahum nga markado na sa pag-daug-daug ug walay kaangayan. Ang katapusang pares sa may positibong pulong “paglig-on ug pagpatindog” klarong gipakita nga siya usab usa ka propeta sa pagpa-balik bisan kini ikaduha ra sa iyang tahas. Sa mga kadaut sa kakaraan nga gi-kondena sa Dios mobarog ang bag-ong komunidad nga nahibalik ug nahinlo ug mga pinasaylong komunidad nga katawhan sa Dios. Ang mensahe sa propeta kanunay dunay duha ka aspeto ang paghukom ug kaluwasan, kadaotan ug paglaom, pagkagun-on ug pagpabalik. Kanunay kini nga han-ay asa mga panagna sa pagsangyaw sa pulong sa Dios.

Ang pinaka-tumong sa Ebanghelyo pinaagi sa Mateo mao nga ipasabot sa mga magbabasa nga si Jesus mao ang Mesiyas nga gipanagna sa Daang Tugon. Ang ngalan nga Mateo, nagkahulugan ug “gasa sa Dios” usa ka maningil sa buhis nga mibiya sa iyang trabaho aron sa pagsunod ni Jesus. Sa Markos ug sa Lucas, gitawag sya sa ngalan nga Levi.

Ang teksto nga Mateo 16:21-23 nagsulti kabahin sa mahitabo sa pag-antus ug ang kamatayon ni Jesus sa kamot sa mga namunoan sa Jerusalem, pangulong pari ug mga magtutudlo sa balaod. Si Jesus nag-andam sa Iyang mga disipulo alang niining mga umalabot nga panghitabo sa Iyang kinabuhi. Apan tan-awa dinhi si Pedro iyang gipakgang ang gipangsulti ni Jesus ug si Jesus mipakgang usab kaniya ug gitawag pa siyang “satanas” tungod kay iyaang pugngan sa kabubut-on sa Usa nga mipadala Kaniya. Mao nga gitawag siya nga tawong walay hunahuna sa Dios kondili hunahuna lamang sa tawo.

Kini nga basahon nagahatag kanato sa pagsabot nga ang pagtuman sa atong kapalaran nga gitagana alang kanato nagasugod sa pagkamasulondon, ang kaikag sa pagbuhat sa tahas nga gitagana maoy katapusang tumong sa atong panaw. Dunay mga hitabo nga bisan ang labing gitinguha nga sumusunod wala makahimo ug mas mahatagan ug tubag ang mga butang dinhi sa kalibutan, ang mga kinaiya ug ang mga pamaagi sa karon nga panahon, ang pag-aghat sa kalibutanong mga kalampusan, posisyon, ug mga kabtangan ug ang pag-likay sa pagsakripisyo lakip ang pagsalikway sa unsay angayan sa tawag sa disipulo-propeta. Kini maoy rason nga si Jesus mipakgang kanato sa pagka-hulog aning mga butang nga “satanic” kaysa mga butang nga iya sa Dios. Mao nga kita kinahanglan nga giyahan kanunay sa pagpahibalo sa saad nga gihatag sa tanang gitawag sa Dios sa Iyang mapadayunong presensya sa paggahum sa pagdawat nato sa atong mga kapalaran.

Giya sa mga Magtutudlo ug Tigpasayon

Pagsulod sa Jerusalem, si Jesus mitunob sa ngilit sa pag-amgo sa Iyang kapalaran. Balik-lantaw, matag-tunob nga Iyang nahimo tinuyo nga buhat alang sa kagawasan sa pagtubag sa mga hagit nga anaa sa Iyang kapanahonan. Apan niini nga punto, mao na ang pagtuman

sa tumong sa Dios sumala sa plano sa Dios diha kaniya sa sinugdanan pa lang. Sa pagsugod, si Jesus nagwali nga ang Paghari sa Dios ania sa kalibutan, nanambal sa masakiton, nagpapahawa sa mga demonyo, mihupay sa mga walay paglaom ug gihagit ang mga gamhanang namuno sa katilingban. Dapit sa katapusang panaw, nagsugod na cya sa paghisgot sa Iyang paabuton nga pag-antus ug kamatayon. Wala na lingi-lingi pa tungod kay mao kini ang Iyang padulngan.

Dili parehas ang pamaagi sa pagbuhat sa Dios diha kang Jesus sa usa ka aktor diin mosunod lang sa mando kon unsay naandam nga nalatid sa unsay angay ipabuhat sa usa ka gamhanang Dios. Ang Dios naghimo sa balaanong plano samtang iya usab nga gitipigan ug gipalambo ang tawhanong kagawasan kay sa unhan ug ang epekto niini mao ang kadaut. Ang pagtugyan ngadto sa kabubut-on sa Dios (“Dili ako ang masunod apan imo ang matuman.”) wala puga si Jesus apan migawas sa iyang mainampoong pag-antus uban sa Dios. Ang iyang pag-ampo nga “kuhaon ang kupa” gikan kaniya ang pulong gikan kaniya ang kagawasan sa pagbalibad o pagsunod sa kabubut-on sa Dios. Sa katapusan, iyang gitugyan ang iyang kinatibuk-ang pagkamao ngadto sa Dios. Ang kapalaran mao nga sa dihang ang kaugalingong kagawasan ug tawag o bokasyon magtagbo. Mao ni ang dalan sa pag-amgo nga ang tawo ubos sa Dios. Si Jesus nakahuman sa iyang panaw, ug iya kitang gidani nga mosunod kaniya. Ang katawhan, ug ang tanang kabuhatan, gibuhat alang sa kagawasan. Mao kini ang desinyo sa Dios sa kabuhatan. Si Jesus gipadala sa Dios aron sa pagpakita sa dalan sa kagawasan nga maoy lihoc sa kinatibuk-ang tumong sa Dios. Lihok sa yawa ang sulayan ang atong kagawasan aron gamiton nga sukwahi sa tumong sa Dios, diin maoy nakababag sa pag-angkon sa atong kapalaran. Kon wala maangkon sa kapalaran mao kini ang hulagway sa pagtambog sa bangag sa impyerno. Diha sa impyerno mao ang pagsinati sa usa ka kasinatian nga wala maangkon ang tumong sa pagkinabuhi “diha sa katilingban uban sa Dios, sa ubang katawhan ug sa tibuok kabuhatan” (UCCP Pamahayag sa Pagtuo).

Sa laing bahin, atong gipili ang atong kapalaran; ug sa laing bahin usab atong gikugihan. Ang pagdawat sa atong kapalaran dili lamang sa paglampos sa pagsugod sa atong kahibalo. Tun-an ta ang pag-ehemplo ni Jesus, nagsugod kini sa pagdawat sa atong kagawasan ug ang pag-amgo sa kaayo sa Dios ug kabubut-ong tumong alang sa atong mga kinabuhi. Ang atong panaw sa kinabuhi ug sa pagtuo makahimo sa paglambo pinaagi sa atong mga desisyon nga pagabuhaton diin ang kagawasan ug ang pagtugyan magsugat. Mao kini dagway sa paghimo ug desisyon sa kinabuhi nga mosugod kita sa pagkab-ot niini nga lig-on ngadto paduol sa kapalaran nga giandam sa Dios o pagpalayo ba kaha niini. Ang labing maayo mao nga kita nagalihok sa saktong dalan o padulngan.

I. Mga Katuyoan sa Pagtuo:

Nga pagkahuman sa leksyon, ang mga magtutuon makahimo sa:

1. Pagsulti kon unsay kahulugan sa pulong pagsugot
2. Himuon si Jesus nga modelo isip masinugtanon sa pagtawag sa Dios
3. Makatala ug mga paagi unsaon sa pagsunod kang Jesus
4. Makalitok ug pagdayeg ug pagpasalamat tungod kay gitawag siya sa Dios.

- II. Ang Konsepto:** Si Jesus misunod sa kabubut-on sa Dios diha sa kamatayon sa krus ug nabanhaw gikan sa mga patay aron mamahimo kanatong Manluluwas.

Galamiton: Bibliya, Pangsulat, Kwaderno

III. Mga Kasinatian sa Pagtuon

A. Pangabling Pagsimba

1. Pag-abi-abi. Dawata sa mainitong pagdawat ang matag bata nga miabot. Pangutan-a sila ug kumustaha ang ilang mga gihimo sa tibuok semana.
2. Pangabling Pag-ampo –O Dios, salamat sa Imong pagdala kanamo dinhi sa simbahan aron sa pagsimba ug pagtuon pa mahitungod sa pagsugot Kanimo. Tabangi kami nga maabli ang among kasingkasing ug hunahuna aron mas madugangan pa ang among kahibalo mahitungod Kanimo aron nga kami mamati ug musugot sa imong pagtawag. Panalangini kami ug ang among mga higala nga wala namo nakauban karon. Kining tanan among gipasalamatan pinaagi sa ngalan ni Jesus. Amen.

3. Mga Awit:

-Kini ang Adlaw nga Gibuhat sa Dios

-“I’ve Got the Joy(Down in My Heart)”

I’ve got the joy, joy, joy, joy down in my heart (Where?)

Down in my heart! (Where?) Down in my heart!

I’ve got the joy, joy, joy, joy down in my heart; down in my heart to stay.

And I’m so happy, so very happy; I’ve got the love of Jesus in my heart

And I’m so happy, so very happy; I’ve got the love of Jesus in my heart.

-“Jesus Went About Doing Good”

Jesus went about doing good, the Bible tells us so

He healed the sick and healed the blind, To little children he was kind

He gave some hungry people food, He said to all, “Be kind and good.”

Jesus went about doing good, the Bible tells us so.

B. Ang Pagpangandam

Ipangutana sa mga bata kining mga musunod nga pangutana

1. Unsay buot ipasabot sa pagsunod?
2. Makahimo ba kamo sa pagsunod sa inyong mga ginikanaan, magtutudlo, lolo/lola ug higala?
3. Unsay mga butang nga ilang gipangayo kaninyo?
4. Nganong musunod man kamo kanila? Unsay inyong bation kon masinugtanon kamo?
5. Kabubut-on ba ninyong sundon ang Dios?
6. Unsay mga butang nga gihangyo sa Dios gikan ninyo?
7. Nganong gikinahanglan nga musunod ka? Unsay imong bation sa diha nga misunod ka?

C. Panahon sa Pagkat-on

Ang Pagpaambit sa Sugilanon

Ang Pagsunod sa Kabubut-on sa Dios

Si Jesus miadto sa mga balangay ug naghimog maayong butang sama sa pag-ayo Niya sa may mga sakit, mga bakol gipalakaw ug ang mga buta nakakita. Gipakaon Niya ang gigutom. Gipatindog ug gihatagan ug kinabuhi ang mga patay. Gitudloan Niya sila kung unsa kadako ang gugma sa Dios kanila.

Uban sa iyang mga suod nga higala, miingon Siya kanila nga moadto Siya sa Jerusalem diin ang iyang mga kaaway naghulat ug nagplano sa pagdakop ug pagpatay Kaniya. Ug sa diha nga nadungog kini ni Pedro, nga nahadlok unsay dangatan ni Jesus didto, miingon “Ayaw Ginoo, ayaw pag-adto didto sa maong lugar kay suta namo nga ang mga kaaway magdala gayod ug kadaot kanimo. Dinhi ka lamang kay dinhi dili kuyaw ang imong kinabuhi.”

Mitan-aw si Jesus kang Pedro ug miingon, “Ayaw akong did-i sa paghimo sa akong buluhaton nga gihatag kanako sa Amahan. Musunod ako sa iyang kabubut-on , kinahanglan moadto ako a Jerusalem”. Busa miadto si Jesus sa Jerusalem uban sa iyang mga higala.

D. Pakig-ambitay /Pagpalawom

Pangutana:

1. Giunsa ni Jesus pagsunod sa kabubut-on sa Dios ?
2. Unsay mga butang nga gihimoni Jesus samtang atua siya sa mga balangay ?
3. Nganong gikinahanglan man nga moadto gayod si Jesus sa Jerusalem ?
4. Nganong gipalikay man ni Pedro si Jesus sa pag adto sa Jerusalem ?

E. Pagkaplag sa Kamatuoran gikan sa Bibliya

Diha sa Bibliya may usa ka batang lalaki nga, ang pangalan mao si Jeremias gitawag siya sa Dios aron mahimong propeta- us aka mensahero sa Dios. Sa sinugdan si Jeremias mibalibad tungod kay dili siya gustong musugot sa mando sa Dios. Nahadlok siya tungod kay batan-on pa siya ug mahadlok siya nga moatubang sa mga katawhan. “Unsay akong isulti sa mga tawo”? Apan ang Dios miingon kang Jeremias “Ayaw kahadlok kanila kay ako mouban kanimo aron paglaban kanimo” Unsay giingon sa Dios? I-asoy ang Jeremiah 1:8 ingon nga atong dumduman nga bersikulo. Tungod sa saad sa Dios si Jeremiah nahimong walay kahadlok, isog ug kusganon. Misugot siya sa Dios ug mihatag sa mensahe sa Dios ngadto sa mga katawhan. Si Jesus usab misunod sa Dios ug naghimo ug maayo ug katingalahang buhat labi na sa pagpang-ayo sa mga may sakit, pagpakaon sa mga gigutom ug pagtudlo sa mga katawhan mahitungod sa Dios.

Musunod kaba kang Jesus?

F. Pagkinabuhi sa Biblikanhong Kamatuoran

Ipasulat sa mga bata ang mga pamaagi kung unsaon nila ipakita ang pagsugot sa kabubut-on sa Dios sa ilang kinabuhi. Isulat kini sa ilang mga kwaderno.

G. Panapos Nga Pagsimba

- Ang Paghalad: ipabasa sa mga bata ang mga paagi kung unsaon nila sa pagsugot sa kabubut-on sa Dios kanila nga ilang nahisulat sa ilang tagsa-tagsa ka kwaderno. Kini usa ka paagi sa paghatag sa ilang kinabuhi sa Dios. Ipasa ang plato para sa halad samtang magaaawit sa usa ka awit alang niini.
- Pag-ampo-Mahal namong Dios, salamat sa pagtawag nimo kanamo ug paghimo kanamo nga imong mga anak. Tabangi kami sa pagsalig ug pagsugot gayud kanimo sa tanang panahon. Tudloi kami sa pagsunod kang Jesus ug pagpanlimbasog nga mahimong pareho kaniya. Salamat nga nahimo kaming katabang sa imong buluhaton sa pagtagad usab sa uban. Kini ang among pag-ampo pinaagi kang Jesus nga among Dios ug Ginoo. Amen
- Sag-ulohong Bersikulo - Mateo26: 39c “ Dili pinaagi sa akong kabubut-on apan pinaagi Kanimo maoy matuman.

Awit : I Will Follow Him (gikan sa sine nga Sister Act)

Marso 12, 2017

Ikaduhang Dominggo sa Kwaresma : **Sulugoong Mesiyas**

Teksto nga Pagabasahon : **Isaias 53:4-6 ; Markos 10: 41-45**

Kinatibuk-ang Panghunahuna: Ingon nga maalagarong Mesiyas, si Jesus nangalagad sa tanan nga adunay gihambin nga mga pag-antus. Ug sa ingon, Siya usab nag-antus uban kanila. Kung mangalagad kita sa mga nag-antus kita usab mobati sa ilang gibati nga pag-antus.

Susi nga Panghunahuna: Si Jesus mihukom nga mahimong Mesiyas sa kalibotan

Pagsabot sa Teksto

Ang libro sa Isaias mipadayag sa kinatibuk-ang hulagway sa paghukom sa Dios ug pagluwas. Ang Dios mao “ang Usa ka Balaan sa Israel” (1:4; 6:1) nga mosilot sa mga masapakong katawhan (1:2) apan mao usab ang motubos kanila (41:14,16). Ang nasud Israel nahimong buta ug bungol sa sugo labi na sa pagtagad sa hustisya sa katawhan ug ang responsibilidad sa silingan. Tungod niining tanan, nakasinati sila sa tumang paghukom sa Dios. Padayon ang Dios nga naluoy sa iyang katawhan, ug moluwas kanila gikan sa politikanhon ug spirituhanong pagka-ulipon. Ang ilang pagkabalik sama sa bag-ong exodus sa dihang ang Dios miluwas ug mitubos kanila. Kini nga adlaw markado sa kalinaw ug

walay kadaut sa dihang ang hari magagikan sa kaliwat ni David nga mangulo sa pagkamatarong, ang katawhan sa Dios dili na ulipon sa mga namuno ug ang Jerusalem mahimo na nga “Siyudad sa Dios” (32:1-2; 60:14). Ang ideya ni Isaias sa kalinaw sama sa ubang mga propeta, sa dihang mahatag ang hustisya sa mga nagkinahanglan ug mga naulipon ug ang mga dautan silotan ug gun-ubon (1:10-17). Kapitulo 53 sa libro sa Isaias nga nabutang sa ikaduhang Isaias, “Ang Libro sa Paghupay” diin atong mahibaloan ang pag-antus ug ang himaya sa Dios sa matarong nga sulogoon. Bersikulo 4-6 nagsulti kanato sa matarong nga sulogoon sa Dios, nga nag-antus sa mga kasakit ug mga pag-antus sa katawhan nga iyang gialagaran. Dinhi, imbis ang katawhan, ang sulogoon –ang usa nga matarong sa Dios, mipakita nga uban niya ang katawhan sa ilang mga pag-antus ug makahimo sa tanan alang kanila. Bersikulo 4 gikutlo parti niini sa Mateo 8:17 nga mipakita sa ministeryo sa pagpanambal ni Jesus. Ang pagkabaldado usa ka sakit nga maoy resulta sa pagkinabuhi sa sala ug maoy na padulngan sa “orihinal nga sala”. Ang katawhan nagatuo nga ang tawo nga gipanton sa Dios masilotan sa iyang kaugalingong pagpakasala. Dinhi, ang tradisyonal nga teolohiya nga gituohan giusab sa propeta sa Dios. Ang usa sa matarong sa Dios iyang gipas-an niya sa iyang kaugalingon ang tanang bunga sa sala sa mga katawhan aron sila mahinlo niadto nga sala aron pasayloon ug mahibalik sila sa Dios. Tuod man, ang pag-antus masinati bisan sa mga matarong dili tungod sa ilang mga sala apan tungod kay ilang gi-angkon ang kasal-anan nga nahimo sa uban nga mao unta ang angayan nga moantus niini. Dinhi ato makita, kon unsa ang usa ka Mesiyas nga gipadala sa Dios. Ang Mesiyas mao ang usa nga moluwas nga wala mogamit sa gahum apan pinaagi sa usa ka mahalaron nga espiritu, dunay kapasidad ug mahigugma sa pag-antus alang sa iyang katawhan. Ang matuod nga Mesiyas usa nga maoy moluwas sa iyang katawhan isip usa ka mainantusong sulogoon, dili nga madaugon, gamhanan ug malupigong magmamando.

Ang Ebanghelyo matud pa ni Markos dunay pinalahi nga kinaiya nga atong madiskubre. Kini nga Ebanghelyo simple lamang, mubo, wala daghan nga bula-bulak kon adorno man apan usa sa nagahatag ug klaro nga pagsaysay sa ministeryo ni Jesus, gihatag pag-ayo ang unsay gihimo ni Jesus kay sa unsay iyang giistorya. Si Markos diretso sa yugto sa kinabuhi ug ministeryo ni Jesus ug kanunay ginagamit ang pulong nga “dihadiha”. Ang libro sa kinatibuk-an nagahulagway sa “Ang Sinugdan sa Ebanghelyo” (1:1). Ang kinabuhi, kamatayon ug ang pagkabanhaw ni Kristo nagalangkub sa “sinugdan,” diin ang pagwali sa tinun-an sa libro sa Buhat mao ang pagpadayon.

Ang teksto sa Markos 10:42-45 nagasulti kanato kon giunsa ni Jesus pagbag-o ang bili sa namugna niining kalibutan. Busa, si Jesus misugilon sa mga tinun-an nga ang pagka-tinunan nagahulagway sa usa ka mapa-inubsanon ug mahigugmaon nga pag-pangalagad. Sa bersikulo 45 mao ang susi nga bersikulo dinhi, diin gipaila ni Jesus ang iyang kaugalingon nga sulogoon sa kalibutan-mianhi Sya aron moalagad dili aron alagaran. Usa ka sulogoon nga andam sa pag-antus ug mamatay alang sa pagtubos sa kalibutan nga nasulti sa libro ni Isaias. Kini nagpadayag sa usa kalit nga kabag-ohan sa nagpabiling naandang sistema sa Greco-Roman nga kahimtang. Diin naa ang tinguha sa kahakog sa gahum, katigayonan, ang kalibotanong kahibalo, ug ang mga pribilihiyo nga maangkon lamang sa mga kwartahan ug nahimong maoy nahuptan, makig-away ug gani mamatay lang tungod niini nga kahakog. Kini nga tinguha maoy rason sa nagkandaiyang panagbangi ug gira nga nagpabiling giawayan hangtud karon. Ang mga tawo gustong daghang maangkon nga bahandi ug mo-

kontrolar pa gayud. Unsay gitudlo ni Jesus a Iyang mga tinun-an sukwahi kaayo sa naandang kulturanhong kahimtang ug ang gipaabot sa panahon. Mao kini nga Siya ug ang Iyang mga gitudlo kanunay gayud makadawat sa hulga sa bag-ong pagtudlo. Pagtudlo diin makapausab sa kalibutan. Si Jesus nabuhi niana nga pagtulon-an, nga mapa-inubsanon ug dili mobag-o ang desisyon sa iyang paghalad sa kaugalingon alang sa pag-alagad ngadto sa mga ubos, sa naulahi, ug sa mga nawala. Mao kini nga Siya nahimong tinuod nga hulga sa mga namuno, naga-dominar, ug ang naka-benepisyo sa naandang sistema sa kalibutan. Si Jesus isip usa ka Mesiyas nagtudlo nga ehemplo, bisan sa punto nga makalas ang Iyang kaugalingon, gisakripisyo ang kaugalingon aron lamang sa paghupot sa sagradong misyon nga gisalig sa Amahan. Kini nga mga bersikulo nagatumong sa paghatag ug lamdag ug pagbag-o sa atong kaugalingong tinan-awan sa sistema sa kinabuhi, kon gusto kitang mahimong tinun-an ni Jesus. Nagpasabot, kon moingon kita nga tinun-an kita ni Kristo kinahanglan nga mahisama kita ni Jesus, andam sa pag-alagad nga mapa-inubsanon ug bisan mo-antus uban sa mga nag-antus.

Giya sa mga Magtutudlo ug Tigpasayon

Naandan na sa iglesia nga mga ritwal ug pag-ampo nga ipaagi sa paghangyo diha ni Jesus. Ang atong mga himno ug mga pag-ampo balik-balik nga ginasulti Iyang harianong titulo. Kinahanglan atong hinumduman nga usa lamang ka higayon nga gitawag si Jesus nga hari sa dihang gibun-og ug gikastigo Siya sa mga Romanhong kasundalohan aron nga pakaulawan lamang dili ang pagtahod. Panahon sa Iyang ministeryo ang mga tinun-an nipili sa pagtawag Kaniya nga rabbi kon magtutudlo. Kini tungod kay gidawat nila si Jesus nga usa nga mitudlo kanila sa dalan kay sa mihari-hari diha kanila. Pagsunod sa pagkabanhaw, ang Iyang mga sumusunod mitawag Kaniya nga Ginoo, ang titulo sa Dios sa Hebreohanong Bibliya kay mao usab kini ang tawag sa titulo sa Romanhong Emperyo. Bisan niana nga panahon, ang pagtawag nga “ginoo” ug “hari” dili kinahanglan nga pareha. Ang titulo nga ginoo alang lamang kang Jesus nga nagdala ug usa ka harianon ug pagsunod ni Jesus kay sa uban nga labaw ug bisan sa emperor. Kaniadto kini panahon sa paghiusa sa iglesia sa Romanhong Emperyo sa dihang ang obispo nakakuha sa estado sa secular nga prinsipal nga ang iglesia mapahinungoron sa imahen ni Jesus nga pareha sa emperyo nga harianong pangulo. Ang iglesia, nagsunod sa dalan sa Israel kon ang gingharian ang hisgotan walay kalainan niini sa gingharian sa palibot. Ang mga kristohanon karon angay gayud nga mahibalo nga si Jesus gipalabi pa niya nga tawgong sulugoon: Sulugoon sa Dios nga gipadala sa Dios aron mo-alagad sa katawhang anaa sa estado nga sulugoon nga gipahamtang sa katilingban. Si Jesus nangalagad sa katawhan nga nagpukaw sa nahikatulog nga kasaysayan. Sa higayon nga ang Iglesia malimot sa aposlostikanhong handumanan, maoy hinungdan nga mawala ang saktong panglantaw ngadto sa ministeryo. Ang mga pangulo maghatag sa sobrang importansya sa ilang gahum ug awtoridad sa pagmando kay sa pagtudlo nga matitud-anon ug pag-alagad sa ilang espirituhanong panginahanglan. Ang titulo nga Obispo nakaangkon ug mas labaw ang politiko kay sa teolohiyang kahulugan. Kini gihatagan ug kabug-aton sa pagsuot sa mga bisti balik lantaw sa Tunga-tunga nga mga Katuigan. Maayo, daghan sa UCCP nga kagikan nga napasa gikan sa Repormasyon (Repormasyon ug mga independenteng matang) nga kaniadto kadaghanan walay Obispo.

Sa pagpabalik sa sulugoon-tinan-awan, ang UCCP moug dang sa pag-usab sa tinuod nga kahulugan sa Kristohanong pagsaksi, nga nagkahulugan nga matitud-anong saksi ngadto kang Jesus nga padulong sa pag-antus bisan gani ngadto sa pagka-martir. Ang iglesya gitawag sa pagsaksi kang Jesus sa lunsayng paghalad alang sa pag-alagad sa mga mapaubsanon diin pagpalingkawas kanila sa madaug-daugong katilingbang nahigot sa ubos nga dignidad sa tawo. Kini nga klase sa kalibutan dili mahigugmaoon, gani, madumtanon sa mga biktima ug kaaway niadtong mipas-an alang sa ilang hinungdan. Sama nga si Jesus gihukman sa kalibutan, ang iglesya nga matitud-anon Kaniya mag-antus usab sama Kaniya.

I. Mga Katuyoan sa Pagtuon

Nga pagkatapos sa leksyon ang mga magtutuon makahimo sa:

1. Makahatagsa kahulugan sa maantuson nga Mesiyas
2. Motukib sa tinuod nga hinungdan sa pag-anhi ni Jesus
3. Mohatag patin-aw ngano nga si Jesus mianhi aron mangalagad sa mga naga-antos
4. Maitala ang mga paagi unsaon mangalagad ngadto sa mga adunay ginaantos sa kinabuhi

II. Ang Konsepto: Si Jesus nakahukom nga mahimong atong mainantusong Mesiyas

Galamiton: Bibliya, Hulagway ni Jesus nga naghugas sa tiil sa mga disipulo, Tualya, planggana, balde nga adunay tubig, kabo, gamay'g kahoy, patapot, lain-laing de kolor nga papel , , lapis, gunting

III. Mga Kasinatian sa Pagtuon

A. Pangabling Pagsimba

1. Pag-abi-abi – Abi-abiha sa malipayong kasingkasing ang mga bata ug pangumustaha

Mga awit: “Alleluia,Praise Ye the Lord”

Allelu, allelu, allelu, alleluia, praise ye the Lord! (2x)

Praise ye the Lord, alleluia! (3x) Praise ye the Lord!

“It’s A Great Thing to Praise the Lord”

It’s a great thing to praise the Lord (3x)

Walking in the light of God

Walk, walk, walk, walk in the light (3x)

Walking in the light of God!

(Repeat the song using “serve” instead of praise.)

“Make Me aServant”

Make me a servant, humble and meek

Lord, let me lift up those who are weak

*And may the prayer of my heart always be
Make me a servant, make me a servant, make me a servant today*

2. Pangabling Pag-ampo – Gamhanan ug mahigugmaon nga Dios, salamat niining bag-ong adlaw. Salamat sa among mga pamilya, among mga higala, among mga magtutudlo ug sa imong pagdala kanamo dinhi arong magtuon sa Sunday School. Tabangi kami nga mamati aron makatuon kami mahitungod kanimo ingon nga mainantuson namong Mesiyas. Tabangi kami nga mahimong pareho kanimo. Kini among pagampo sa ngalan ni Jesus. Amen.

B. Ang Pagpangandam

Awiton ang : Tell me the Stories of Jesus, I love to hear
Things I would like Him to tell me if he were here
Scenes by the wayside, tales of the sea
Stories of Jesus tell them to me.

C. Ang Leksyon (Ang Pagtuon) (isulti kining sugilanon)

Gipakita ni Jesus Kon Unsaon sa Pag-alagad

Gitudlo ni Jesus sa Iyang mga alagad unsa ang kahulugan sa pagpangalagad. Gusto ni Jesus nga ipakita ngadto sa tanan kung unsa kadako ang iyang paghigugma sa iyang mga tinun-an/ disipulo nga iyang mga higala. Aron maipakita kanila, siya nagpakita ug sanglitanan. Samtang atua sila sa itaas nga kwarto, gikuha ni Jesus ang iyang kupo. Unya mikuha siyag panaksan nga may tubig, iyang gitali sa iyang hawak ang tuwalya (buhaton usab kini sa mga magtutudlo) dayon miluhod Siya ug nagsugod sa paghugas sa mga tiil sa iyang mga tinun-an pagkahuman niyag hugas iyang gipahiran ang ilang mga tiil sa tualya. (ang magtutudlo mohugas usab sa tiil sa bata).

Gihimo Niya kini aron sa pagtudlo kun unsaon sa pag-alagad sa usag-usa sa pinakaubos nga pamaagi. Ang paghugas sa ilang mga tiil usa ka lihok nga pagpaubos gayud ug ingon nga iyang sumusunod, buot ni Jesus nga ang matag usa kinahanglan nga moalagad nga dili pinugos gayud. Buot ni Jesus nga magalagad kita sa usag-usa nga mapinaubsanon gayod labi na gayud sa mga nagakinahanglan .“ Kay ang Anak sa Tawo mianhi dili aron pagaalaran kon dili moalagad sa tanan. Bisan kon si Jesus pinalanggang Anak sa Dios, mianhi sa kalibotan aron moalagad sa mga katawhan labi na niadtong mga nag-antus. Mialagad Siya kanila ug nag-antos usab uban kanila aron nga mailhan nila ang tinuod nga gugma sa Dios kanila. Ingon usab nga ang mga pinili ug tinawag sa Dios usahay makatagamtam sa kalisod ug mga pag-antos uban sa mga katawhan nga ilang gialagaran ug mao kini nga gitawag Siyag mainantusong Mesiyas.

D. Pagpalawom/Panag-ambitay

Ipangutana kining musunod hangyoa ang mga bata sa pagtubag

1. Nganong gihugasan man ni Jesus ang mga tiil sa Iyang mga tinun-an ? (Aron pagtudlo kanila unsay pagpangalagad)
2. Giunsa ni Jesus pagpangalagad labi na gayud sa mga labing ubos ? (pinaagi sa pag-ayo sa mga may sakit, pagpakaon sa mga gigutom, pagtudlo sa Maayong Balita ngadto sa mga timawa)

3. Unsa ba kadako ang atong pagpangalagad sa uban?

E. Pagkaplag sa Kamatuoran diha sa Bibliya

Pangutana (hangyoo ang mga bata sa pagtubag)

1. Unsay buot ipasabot sa mainantusong Mesiyas? (Ang Mesiyas usa ka pinili sa Dios nga moantos kauban sa iyang mga gialagaran)
2. Nganong mianhi man si Jesus ug nakig-uban sa mga katawhan? (Ang Anak sa Tawo mianhi aron moalagad ug dili magpaalagad)
3. Kinsay gialagarn ni Jesus? (ang mga masakiton, ang gigutom ug ang tanang nag-antos)
4. Nganong nangalagad man siya sa mga nag-antos? (aron mailhan nila ang gugma sa Dios)
5. Gikinahanglan ba nga kita usab moalagad?

F. Pag-aplikar sa Kamatuoran

1. Ingna ang mga bata sa paglista ug mga paagi kung unsaon sa pag-alagad sa mga katawhan ilabi na sa mga nag-antus sa kasakit.
2. Himoa nga ang mga bata makahimo sa paghugas sa tiil sa ilang isig-ka-bata. Ang usa ka bata nga maoy magtudlo sa iyang kauban mosugod paghugas sa tiil sa usa ka bata ug ang nahuman na mao na usab mohugas sa sunod nga bata ug kining mga buhat magapadayon hangtud na ang tanan nahugasan sa ilang mga tiil.

Kalihokan sa Sining : Tuguti ang mga bata nga paagian ang ilang mga tuong kamot diha sa usa ka de kolor nga papel ug pagkahuman ila kining guntingan ang parte nga naagian sa lapis. Pagkahuman, ilang isulat kini: " Malipayon akong Mangalagad sa Uban ". Ipatapot kini sa nipis nga kahoy nga inyong gidala.

G. Panapos nga Pagsimba

1. Dasiga ang mga bata sa pagsag-ulo niining bersikulo "*Kay ang Anak sa Tawo mianhi dili aron alagaran kon dili aron mag-alagad*" (Markos 10:45a)
2. Ang matag bata mobasa sa mga paagi sa pagalagad nga ilang nasulat unsaon sa pagpangalagad samtang gipasa ang plato alang sa halad.
3. Awiton ang : Make me a Servant
4. Panapos nga Pagampo: Tabangi kami O Dios nga mangalagad sa kaugalingong kabubut-on gayud, mapinaubsanon ug malipayon nga alagad pareha Nimo. Giyahi kami sa kanunay nga mangalagad sa uban labi na gayod kadtong adunay gianantos sa kinabuhi. Tudloi kami nga kanunay nga maglantaw kang Jesus ingon nga among modelo sa pagpangalagad. Kini among pag-ampo pinaagi kang Jesus. Amen.

Marso 19, 2017

Ikatulong Dominggo sa Kwaresma: **Ang Pagkamaunongon diha sa Dios**

Teksto nga Basahon : **Ruth 1: 16-71; Lucas 7: 1-10**

Kinatibuk-ang Panghunahuna: Ang paghigugma sa Dios maoy dili matarog nga basihan sa atong pagka-maunongon diha Kaniya.

Susi nga Panghunahuna: Ang atong paghigugma sa Dios maoy sukdanan sa atong pagka-maunongon sa Dios.

Pagsabot sa Teksto

Ang libro sa Ruth makusganong nagpakita sa kamahinugdanon sa matinud-anong gugma sa tawhanong relasyon diha sa katawhan sa Dios. Ang tigsulat medyo mitutok kang Ruth sa dili matarog ug dili hinakog nga debosyon ngadto sa biniyaan ug wala nay paglaom nga si Noemi ug ang kamaayo ni Boaz niining duha ka bala. Ruth 1:16-17 nagsulti kanato sa pagsugid ni Ruth sa iyang kinatibuk-ang debosyon ug pagka-maunongon kang Noemi bisan pa ug si Noemi nag-awhag kang Ruth nga biyaan lamang siya ug mobalik sa lamang sa iyang puluy-anan sa Moab. Dinhi, makapatingala nga ang nagpakita pag-ayo sa gugma sa Dios usa ka Moabita, dili usa ka Judio, dili Israelinhon. Apan, ang iyang kinatibuk-ang pagka-maunongon ngadto sa pamilya nga Israelinhon sa diin iyang nadawat sa pinaagi sa kaminyoon ug sa iyang kinatibuk-ang debosyon alang sa iyang biniyaan o balong ugangan nga babaye naka-tatak sa iyaha ang matuod nga anak sa Israel ug ang angayan nga katigulangan ni David. Si Ruth talagsaong naga-ehemplo sa kamatuoran sa pag-apil sa pag-abot sa paghari sa Dios nga dili kini sa dugo ug ang natawhan, apan diha sa pag-uyon sa usa ka kinabuhi sa kabubut-on sa Dios pinaagi sa “pagkamasulondon nga gikan sa pagtuo” (Roma 1:5). Ang pag-ehemplo ni Ruth sa iyang walay kondisyon nga pagka-maunongon nahimong salamin, usa pamalandong sa klase sa pagka-maunongon (makanunayong gugma) nga gipakita sa Dios nganha sa Iyang katawhan sa tibuok kasaysayan. Sa samang paagi, kini nga klase sa pagka-maunongon mao usab ang usa ka hiyas nga gipangayo niadtong nakahukom nga misunod sa Ginoong Jesu-Cristo, nga mao ra gayud ang ilang sundon ug ang mga gitudlo ni Jesus ilang sundon sa tanang panahon.

Ang Ebanghelyo matud pa ni Lucas, ikatulo nga Ebanghelyo sa Kanonical nga han-ay, nagpakita sa gibuhay ug sa gitudlo ni Jesus nga labing importante alang sa pagsabot sa dalan sa kaluwasan. Ang iyang kasangkaran kumpleto gikan sa pagkatawo ni Cristo hangtud sa Iyang pagkayab. Ang pagka-han-ay niini hapsay kaayo, ug gipakita kini alang sa mga Judio ug sa mga Gentil. Gisulat kini aron sa pag-lig-on sa pagtuo sa tanang mga magtutuo ug aron sa pagtubag sa tanang pag-atake sa mga dili magtutuo. Ang Lucas gustong ipakita nga ang luna sa Gentil nga kristohanon sa paghari sa Dios nakabasi sa gitudlo ni Jesus. Gusto niyang daygon ang pagwali sa Ebanghelyo ngadto sa tibuok kalibutan.

Lucas 7:1-10 nag-asoy kini kabahin sa pagtuo sa Romanhong opisyal nga dunay sulogoon nga bililhon kaayo kaniya diin naayo sa balatian. Dinhi, ang opisyal, nidawat nga dili siya angayan nga moatubang ni Jesus tungod sa iyang pagkamakasala, iyang gipadala ang iyang mga sulugoon aron sa pagsulti kang Jesus nga ang iyang bililhon nga sulugoon

padulong na mamatay ug mamaayo bisan pa ug dili moadto si Jesus sa balay sa opisyal kon mosulti lang si Jesus nga mamaayo ang sulugoon sa opisyal. Kini nga pagtuo, nga dunay dili matarug nga pagsalig ug gituohan sa gahum sa pag-ayo nakahibulong ni Jesus nga naayo ang usa ka masakiton nga sulugoon.

Kini nga tudling naghatag kanato sa panglantaw kon giunsa sa atong Dios pagtubag ang atong di matarug nga pagsalig ug pagkamatitud-anon bisan pa sa makapawala nga kadasig sa kahimtang sa atong palibot. Hinaot nga kini nga mga tudling makahatag kanato sa labaw pang kadasig sa atong adlaw-adlaw nga Kristohanong kakugi nga magpabilin nga matitud-anon sa Dios pinaagi sa pagdala ug pagpakita sa mahigugmaong relasyon uban sa Dios sa atong kinabuhi ug pagpakigdugtong sa uban. Kita gipahinumduman sa kanunay nga ang atong gugma sa Dios mao ang pundasyon sa atong walay kakapoy nga pagkamaunongon sa Dios ug ang tanan nga nakahatag sa himaya sa Dios ug ang kinauyokan rason nganong motubag kita sa matinguhaon ug mapaubsanong pag-alagad sa labing ubos sa atong mga kaigsoonan.

Giya sa mga Magtutudlo ug Tigpasayon

Gipamatud-an ni Jesus ang Daang Tugon kabahin sa dakung sugo: “Higugmaa ang Ginoo nga inyong Dios sa tibuok ninyong kasingkasing, kalag ug kusog” (Deuteronomio 6:5). Ang Hebreo nga pulong sa balaod mao ang Torah, nga ang nag-unang kahulugan niini mao ang “pagtudlo” Niana nga pagsabot, nga ang paghigugma sa Dios labaw pa ang pagtudlo sa balaod sukad pa sa practical nga ang-ang ang gugma dili masugo apan makat-onan. Apan kini nga mawala nga kamatuoran nga ang tinuod nga malungtaron nga basihan sa pagkamaunongon mao ang gugma.

Kining lino nga punto gipaklaro nga ang pagka-maunongon mapalit ug mapugos. Dili gusto sa Dios ang pagka-maunongon nga pinalit ug pinugos kay kini nga klase sa pagka-maunongon nga angayan nga halad ngadto sa Dios mao kadtong nahugawan sa kaugalingong interes. Pagka-maunongon nga alang lamang sa Dios mao katong klase sa pagka-maunongon nga labaw pa ani nga gihisgotan sa mga tawo nga dunay limbong ug gi-manipula. Ang mga magtutuo kinahanglan mohangyo sa Dios nga walay katuyuan sa pag-hip-hip sa Dios sa mga gipangayo o manipulahon ang balaanong tumong sa Dios apan walay kondisyon gikan sa punto nga kapobrehon ug tabangonon.

Wala kini nagpasabot nga dili ta mohimo ug mga paghangyo ngadto sa Dios sa panahon nga gikinahanglan gayud ug sa hulga. Sa laing bahin, ang pag-ampo nga gitudlo ni Jesus sa mga disipulo naga-aghat kanato nga atong dad-on ngadto sa Dios ang atong mga pagtagad sa kinabuhi: pagkaon sa atong paglahutay, pagpasaylo sa sala ug kaluwasan gikan sa dautan ug madanihong tentasyon. Apan si Jesus nagtudlo kanato sa pag-ampo ngadto sa Dios wala misumikad kon kinsa kita ug unsa kita aron atong ipaila sa Dios nga mas angayan kita kaysa uban. Kon duna tay pagsalig nianang mga butanga, dili kini gugma ngadto sa Dios. Gawas kon kini dinasig sa gugma, ang pagka-maunongon mapakyas ilalum sa grabe nga kondisyon sa kinabuhi. Dili buot pasabot nga ang Dios dili mamati kanato tungod sa atong motibo nga dili putli. Hinuon, dili nato mapalahutay ang tinuod nga relasyon diha sa Dios tungod sa atong pagka-maunongon nga ang pundasyon dili lig-on nga mausab kon moabot ang kahimtang nga dili pabor. Ang resulta niini mao nga nagpalayo kita sa Dios kay sa Dios

nagpahilayo kanato ang Iyang balaanong pagkamao. Ang Dios dili pareho kanato nga masuko kon mapakyas nganha sa pagsukod sa balaanong sumbanan sa pagka-maunongon. Ang pagsalig sa kalooy sa Dios ug mapasayloong paghigugma, atong isaad ang pagka-maunongon ngadto sa atong Ginoong Jesus nga wala nahasol sa kahadlok ug sala.

I. Mga Katuyoan:

Pagkahuman sa leksyon ang mga bata makahimo sa:

1. Pagsulti kon giunsa ni Jesus pag-ayo sa masakiton nga suluguon sa usa ka opisyal nga Romano.
2. Makahimo sa pagtukib kung ngano nga ang pagtuo sa usa ka opisyal nga Romano nagantihan.
3. Maipakita ang tinuod ug matuod nga pagtuo sa Ginoo pinaagi sa manlalangon nga kalihokan.

II. Mga Pang-hunahuna : Ang atong gugma sa Dios mao ang sukdanan sa atong pagkamaunongon sa Ginoo.

Gamitonon: Bibliya, papel, lapis ug krayola

III. Mga Kasinatian sa Pagtuon

A. Pangabli nga Pagsimba

1. Pagabi-abi

Mga Awit : “The Love of Jesus”

The love of Jesus sweet and marvelous (3x) Oh, oh wonderful love

Higher than the mountains, Deeper than the oceans

Wider than the universe, Oh, oh wonderful love,

“ I Would Be True “

I would be true, for there are those who trust,

I would be pure, for there are those who care

I would be strong, for there is much to suffer

I would be brave, for there is much to dare

I would be brave, for there is much to dare.

I would be friend of all- the foe, the friendless

I would be giving, and forget the gift

I would be humble, for I know my weakness

I would look up, and laugh, and love, and lift

I would look up, and laugh, and love, and lift.

Who is so low that I am not his brother?

Who is so high that I've no path to her?

Who is so poor that I may not feel her hunger?

Who is so rich I may not pity him?

Who is so rich I may not pity him?

May none, then, call on me for understanding

May none, then, then turn to me for help in pain

And drain alone his bitter cup of sorrow

*Or find she knocks upon my heart in vain
Or find she knocks upon my heart in vain.*

*I would be faithful through each passing moment
I would be constantly in touch with God
I would be strong to follow where God leads me
I would have faith to keep the path Christ trod
I would have faith to keep the path Christ trod.*

2. Pangabli nga Pagampo – Mahigugmaong Dios, nagpasalamat kami Kanimo niining maayong kabuntagon, niining bag-ong mahayag nga adlaw nga gihatag Mo kanamo. Nagampo kamni nga pinaagi niining kahayag sa adlaw makita namo ang silaw sa kahayag nga maoy mag-iwag sa among kasingkasing ug hunahuna samtang magtuon kami Kanimo. Tudloi kamo unsaon paghigugma kanimo nga mas labaw pa adlaw-adlaw ug unsaon kami mamuyo diha saimong gugma. Himoa kaming panalangin sa ubang mga bata. Kini ang among mga pagampo pinaagi sa gamhanang ngalan ni Jesus. Amen

B. Ang Pagpangandam- Hangyoa ang mga bta sa pagbasa sa teksto.

C. Ang Pagtuon - isulti kini nga estorya

Dili Na Estranghero

Duha ka babaye naglakaw sa hinay ngadto sa abugon nga dalan padulong sa Betlehem. Pareha silang mga balo. Si Noemi nga ugangang babaye ni Ruth, (pareha sila ang ilang mga bana patay na). Sa dugay na nga panahon, si Noemi nga usa ka Judio milangyaw ug nagpuyo sa Moab uban sa iyang bana ug duha ka mga anak nga lalaki. Sa dihang namatay ang bana ni Naomi nakahukom si Naomi nga mobalik sa iyang lugar nga natawhan nga mao ang Betlehem. Gisultihan niya ang duha niya ka hinablos nga sila Orpah ug Ruth, nga mga taga-Moab nga mobalik ngadto sa ilang mga pamilya. Si Orpah milakaw ug nanamilit apan si Ruth mihangyo kang Noemi nga magpabilin kaniya nga miingon “ Ayaw ako sultihi sa pagbiya kanimo kay bisan diin ikaw moadto, atua usab ako, ang imong katawhan maoy akong katawhan ang imong Dios mao usab ang akong Dios “ Ug si Noemi mitubag, “ Tan-awa si Orpah mibalik na sa iyang panimalay. Kinahanglan ikaw usab mobalik na sa imong panimalay. Mingawon ka unya sa imong mga higala ug kapamilya.

Apan tungod kay si Ruth matinud-anon gayod sa iyang hukom busa gitugutan siya ni Noemi sa pag-uban kaniya. Miabot sila sa Betlehem ug nahinangop kayo ang mga kaparyentehan ni Noemi sa ilang pag-abot. Panahon kadto sa pagpang-ani ug si Ruth mihangyo nga manghagdaw sa haduol nga hawan aron adunay makaon. Gisultihan siya ni Noemi nga adto lamang manghagdaw sa hawanan ni Boaz, ilang suod nga paryente aron nga maayo ang pagtagad kaniya.

Nakuha ni Ruth ang kalooy ni Boaz, ug giingnan niya ang iyang mga mangangani sa pagbilibin ug mga trigo nga mahagdaw ni Ruth matag adlaw kay nakita ni Boaz ang kaayo ug pagkamaunungon ni Ruth kang Naomi

Sa wala madugay nahigugma si Boaz kang Ruth ug iya kining gihangyo nga mahimo niyang asawa. Naminyo silang duha ug si Ruth malipayon kayo sa kiliran ni Boaz

sa yuta nga nahimo niyang matawag nga iyaha. Si Naomi usab malipayon kay sa dili madugay makabaton ra unya siyag apo.

Ang Pagtoo sa Usa ka Dumuduong

Sa iyang mga lakaw, si Jesus kauban sa iyang mga higala miabot sa yuta sa Capernaum. Didto nagpuyo ang usa ka kapitan sa Romanhong kasundalohan nga ang usa sa iyang pinalabing sulugoon nagkasakit ug hapit na mamatay. Sa dihang nadungog niya nga si Jesus anaa sa ilang lungsod, misugo siyang mga higala aron sa paghangyo kang Jesus nga moanha sa iyang balay ug ayohon ang iyang sulugoon. Apan sa diha nga haduol na unta sila sa balay sa kapitan ang maong kapitan sa kasundalohan nagpa-apas nga sultihan si Jesus nga “ Ang akong agalon nagsugo kanako sa pagsulti kanimo nga dili na lang maghasol sa pag-adto sa balay . Nga bisan aduna siyay gahom sa pagsulti sa iyang mga sulugoon unsay buhaton ug sila mosunod kaniya apan dili siya takos nga modawat kanimo didto sa iyang panimalay. Kung mahimo isulti lang ang pulong ug ang iyang sulugoon mamaayo gayud.

Si Jesus miatubang sa iyang mga tinun-an ug miingon, Sa tinuod, magaingon ako kaninyo, wala ug dili makita dinhi sa tibuok Israel ang usa ka tawo nga adunay dako nga pagtuo sama niining Romanhong kapitan.

Ug diha diha dayon naayo ang maong sulugoon.

D. Pagpalawom/Paginambitay

Pangutana:

1. Nagtuo ka ba nga gihigugma ni Ruth si Noemi ?
2. Unsa kahay hinungdan nga nagmatinud-anon si Ruth kang Noemi?
3. Tungod kay ang kapitan sa mga kasundalohan sa Roma may hugot nga pagtuo kang Jesus, unsay nahitabo sa iyang pinalanggang sulugoon ?
4. Ipangutana: Ikaw ba nahigugma sa Dios?

E. Pagkaplag sa Kamatuoran diha sa Bibliya

Ingna: Ang atong gugma sa Dios maoy maghimo kanatong mga matinud-anon sa Dios

Ipangutana: Nahimo ka bang matinud-anon sa Dios?

Unsaon nimo pagpakita ang pagkamatinud-anon nga paghigugma sa Dios?

F. Pag-aplikar sa kamatuoran gikan sa Bibliya

Ipaguhit sa mga bata ang mga paagi kon unsaon pagpakita sa ilang pagkamatinud-anon sa Dios pinaagi sa ilang pag-atiman sa:

Palibot lakip ang kabuhatan

Tagilungsod

Banay ug kahigalaan

G. Panapos nga Pagsimba

1. Dasiga ang mga bata sa pagsag-ulo ning bersikulo “*Wala dinhi sa Israel nga akong nakita ang usa ka tawo nga adunay sama niini nga pagtuo “ (Lukas 7:9)*

2. Panapos nga Awit : “I Would be True”
3. Panapos nga Pagampo : Mahal namo nga Dios, salamat sa tinuod Nimong saad kanamo. Tabangi kami nga kanunay nga matinud-anon diha Kanimo. Tabangi kami nga mahimong lig-on nga mga bata ug kanunay nga mosalig Kanimo sa imong paggiya ug pag-atiman aron nga maipakita namo ang among gugma ngadto sa uban mahimong mas lig-on pa gayud. Kini ang among pag-ampo sa pangalan ni Jesus . Amen

March 26, 2017

Ika-upat nga Dominggo sa Kwaresma: **Pagtukod sa Kalinaw**

Teksto nga Basahon: **Jeremiah 1:9-10; Matthew 10: 4**

Kinatibuk-ang Panghunahuna : Ang pagtukod sa kalinaw, Mesiyanhong misyon, nagkinahanglan sa pugosong pagtangtang sa mga babag sa pagkab-ot sa kalinaw – walay kaangayan sa pagbahinbahin sa mga pundo, abusado nga relasyon ug pagpanlupig ug inhustisya.

Susi nga Panghuna-huna: Ang pagtukod sa kalinaw mao ang pagtangtang sa mga abusadong relasyon.

Pagsabot sa Teksto

Ang libro ni Jeremias nagatipig sa sugilanon mahitungod sa pagpangalagad ni Jeremias ingon nga propeta sugod sa iyang taho alang sa iyang tawag. Si Jeremias sakop sa panimalay sa mga pari ni Hilkiah gikan sa gamay nga lungsod sa Anathoth, sa ato pa kaliwat siya ni Abiathar, ang pari panahon ni Solomon. Ang Ginoo nagasugo kaniya nga dili magpakasal ug mangangkon ug mga kabataan tungod kay ang nakabinbin nga hukom alang sa Juda maoy mokuha sa mga kinabuhi sa sunod nga kaliwatan.

Ang sinulat sa Jeremias 1:9-10 mao ang pamulong sa Dios sa katuyoan sa tawag ni Jeremias nga naglangkob ug kusog ug klaro nga mga kasugoan sa pagtuman sa mga bulohaton sa propeta. Dinhi Makita nato ang mga paresan nga pulong diin matino nato ang dili maayo nga timailhan sa iyang tawag. Kini nagasaysay nga si Jeremias gituohan nga maoy propeta sa kangitngit, samtang ang katapusang pares positibo, timailhan nga siya usab ang propeta sa kapasig-ulian bisan kun tuod kini sunod lang. Ang unang pulong nga “ ibot “ sukwahi sa katapusang tanom ug duol-duol sa pulong nga “ paglangkat, pagguba o pagsalibay “ diin sukwahi usab sa pagtukod.

Bisan tuod mogula nga ang maong tahas sa pagka-propeta labaw mahitungod sa pagguba ug paglumpag sa mga daang porma ug sistema nga naggamot na diha sa naandang walay kaangayan ug inhustiya diha sa katilingban, nagabadlong usab alang sa tahas sa propeta aron sa katagbawan niini mao ang pagtukod ug bag-ong katilingban sumala sa mga haligi sa pakigsaad nga gihatag sa Dios ngadto sa Iyang mga katawhan. Mao kini ang mga bili sa

Shalom nag-apil sa kalinaw, hustisya, gugma alang sa mga katawhan ug sa kahiusahan kauban ang mga uyamot mao ang mahimutang sa sentro sa gitawag nga mapiliang katilingban nga iugmad. Dinhi ang propeta ug ang uban nga gitawag sa pagtuman sa bulohaton sa pagka-propeta kinahanglan nga ilang gaksong ug mosalmot uban ang mga masuktanong mga tahas sa pagtukod ug bag-ong hulagway aron dili na mobalik ang daan, ingon nga ang malangkubong pagsabot mahitungod sa Shalom (kinatibuk-ang kalinaw) nahimo na nga labaw nga kamatuoran nga mapatunhay, matagamtaman ug maprotektahan sa mga katawhan.

Ang pinakauna nga tuyo ni Mateo mao ang pagpamatuod ngadto sa mga magbabasa nga Judeo nga si Jesus mao ang ilang Mesiyas. Gihimo niya kini pinaagi sa pagpakita giunsa ni Jesus diha sa iyang kinabuhi ug pagpangalagad pagtuman ang mga sinulat sa Daang Kasulatan. Tuod man, ang tanang mga magsusulat sa Ebanghelyo nagkutlo sa Daang Kasulatan, ang Mateo naglakip ug siyam ka mga pagpamatuod nga mga teksto talagsaon ngadto sa iyang Ebanghelyo (1:22-23; 2:15; 2:17-18; 2:23; 4:14-16; 8:17; 12:17-21; 13:35; 27:9-10) aron dalhon kita saiyang tema: Si Hesus ang Katumanan sa mga Panagna sa Daang Kasulatan sa Mesiyas. Aron makab-ot ang iyang katuyoan, Gipunting ni Mateo ang katungod sa mga kagikan ni David sukad pa sa una nga hugna sa Ebanghelyo.

Ang Mateo 10:34, sa unang pagtan-aw niini, susama sa pagsupak sa panagna ni Isaias mahitungod sa “ Prinsipe sa Kalinaw “nga moabot aron magdala ug kalinaw ngadto sa kalibutan. Oo, tinuod nga si Hesus niabot aron pagdala sa kalinaw- kalinaw tali sa mga magtutuo ug sa Dios, ug kalinaw alang sa mga tawo. Apan ang dili malikayan nga resulta sap ag-abot ni Jesu-Kristo mao ang panagbingkil-tali ni Kristo ug sa dili dapig ni Kristo o Antichrist, tali sa kahayag ug kangitngit, tali sa mga anak ni Kristo ug mga anak sa dautan. Kini nga panagbingkil mahitabo bisan taliwala sa mga sakop mismo sa maong pamilya. Kini nagpakita lamang nga ang tahas sa pagsunod sa mando sa atong Dios dili sayon. Kini makapahaling ug makadani ug bug-at nga kasuko ug pagbahin-bahin sulod sa katilingban ug sa mga ginsakopan niini sa pamilya.

Ang mga nahisgutang yugto niini nga leksiyon maggiya kanato ngadto sa pagsabot nga aron tinuod nga natong maangkon ang kalinaw or Shalom, mao ang pagsukol niadtong nakatampo sa mga nagpadayon nga panghitabo sa kagubot ug panagkatibulaag diha sa Ginghamarian sa Dios. Kini nagpasabot nga ang walay pagpakabana walay lawak diha sa pagkab-ot sa tumong alang sa tinuod nga kalinaw. Si Jeremias gitawag aron pagwali mahitungod sa mensahe sa kangitngit aron ang katawhan makahinuklog nga sila nisukwahi gikan sa kabubut-on sa Dios, kaniadto anaa na ang pagsangyaw ug pagpadayag sa tahas sa pagtukod pag-usab ug pagpasig-uli gikan sa mga guba ug unsa kadtong natumpag ug gitalikdan. Ang kasinatian sa pagtukod pag-usab nga hiniusa ingon nga katilingban nausa pinaagi sa naandang pagtuo ang panaghiusa diha sa espiritu mao ang pasiuna niini aron masinati ang tinuod nga Shalom. Ang tiunay nga pagtugyan ngadto niining tahas sa pagtukod ug Shalom mao ang yawe sa paghimo ug makahuloganong kausaban ug kabag-ohan diha sa mga kinabuhi sa katawhan ug diha sa mga panagway sa atong katilingban ug sa kalibutan.

Giya alang sa Magtutudlo ug Tigpasayon

Ang pagtukod ug kalinaw susama sa pagtukod ug bag-ong balay sa mismo nga luna diin ang daan nga balay nakatindog. Dili lang tungod kay ang daang balay, daan na kaayo, ang iya usab nga porma dili na maayo sa panan-aw sa mga kabataan ug katigulangan nga lumulupyoy. Ang tag-iya nakahimo ug desisyon nga gub-on na lang ang daang balay ug magtukod ug bag-o nga lig-on ug dili peligro. Sa samang paagi, ang mga mabangis nga panagbingkil ug kaguliyang nga nagpaluya sa nasud tungod kay dili makiangayon ang mga relasyon diha sa katilingban, diin nagtugot sa pipila nga mopanag-iya ug sobra-sobrang katigayonan, samtang ang uban nagpabiling walay pagkaon; moggamit ug mga armas aron pahilumon ang mga supak; naghulga sa paglahutay sa kinaiyahan; ug naglapas sa katungod sa mga katawhan nga dinaog-daog. Ang kalinaw nga tinuod ug malahutayon dili matukod ibabaw sa inhustisya. Kini nga mga patukoranan sa dili kalinaw kinahanglan tumpagon ug tangtangon aron limpiyohan ang luna diin ang liso sa kalinaw ug hustisya motubo ug mamunga.

Ang mga dili makiangayon nga relasyon wala gitugot sa Dios o nahimong sumpay sa mga katawhan ingon nga binuhat sa Dios. Nitubo kini gikan sa liso nga gitanum sa dautan ug giamoma sa mga tawo nga dautan nga walay respeto alang sa Dios. Apan si Propeta Jeremias sa iyang makasubong hilak ngadto sa Ginoo, “ Ngano nilampos ang mga dautan? “ dili sayon tubagon lamang pinaagi sa pagtan-aw sa kasingkasing sa mga dautan. Karon, nagkinahanglan kini ug gamitan ug mga pagtuon sa siyensa o Science aron madiskobre ang mga kalihokan sa katilingban ug mga pamaagi sa mga pundok luyo sa mga tataw nga kasinatian mahitungod sa mga dili makiangayong pag-antus.

Unsa man ang mga importante nga bahin diha sa kadena sa inhustisya nga nakahigot sa katawhan? **Una**, ang mga walay undang ug kawalay pagpakabana sa pagpugong sa mga pamaagi aron molahutay ang kinabuhi ug ang kahimtang sa katilingban sa mga pipila ka pamilya. **Ikaduha**, ang pagtutok sa gahum nga gihuptan sa mga kamot nga nagpanag-iya ug sobra-sobrang katigayonan sa katilingban; **Ikatulo**, paggamit ug mga armas ug ubang sangkap sa kasegurohan nga mapahilum ug hulgaon ang mga masupakong tingog ug naghimo ug lihok- protesta; **Ikaupat**, ang mga pundok nga nag-umol sa kultura, katilingban ug pagtuo nga naghimo ug sayop nga mga pagtulon-an.

Ang pagguba niini nga kadena sa inhustisya magsugod sa ikaupat sa mga bahin niini. Kini ang pinakahuyang ug pinaka-importante nga bahin sa kinatibuk-ang inhustisya. Ang mga ginapatumang pag-ut-ot sa kinabuhi sa tawo legal na nga nadawat sa bahing moral, legal, panginahanglan ug naandang kinabuhi) pinaagi sa inantigong lakang sa pagpangilad, pagpanglimbong ug dili sakto nga pagpahibalo ug pagmatuto. Ang paghawud sa kabangis ngilngig sa konsensiya sa tawo, apan sa dihang natabonan kini nga natural, bisan ug kinahanglanon o dili malikayan ug dili maundang ang mga biktima mosanong na lang ug mopuyo uban niini. Ang mensahe ni Jesus ug ang mga maayong buhat gihimo aron danihon ug ipakita ngadto sa mga biktima nga kini usa ka pagsakop sa panghunahuna ug kalag kang Satanas, nga ang dautan walay tinuod nga gahum ibabaw niini ug ang paghari sa Dios sa kagawasan ug hustisya moabot na. Ang kamatuoran mao ang hinagiban diin ang inhustisya dili magpabilin. Hinikawan sa kaayohan ang mga sangkap ug lakang sa pagpangsakop mao ang molinog ug mopadagsa sama sa dingding sa Jerico atubangan sa mga katawhan nga

nasayod ug determinado nga bawion ang ilang kagawasan ug katungod nga matagamtaman ang kadagaya sa kinaiyahan ug ang mga bunga sa ilang paghago. Ang hustisya mao ang bililhon nga pasidaan sa usa ka maayo ug nagpakabanang tawhanong panahon ug mahinungdanong kahimtang alang sa pagmugna sa paghari sa Dios dinhi sa yuta, apan kining duha dili usa ug susama pag-usab. Kung ang “ hustisya modagayday ingon nga tubig ug ang katarungan sama sa walay undang nga pag-agas nga sapa “ ang tanang katawhan makaginhawa diha sa kalinaw sama sa hangin.

I. Mga Katuyoan:

Nga pagkahuman sa leksyon ang mgabata makahimo sa:

1. Mapatin-aw ang pulong kalinaw ug hustisya
2. Tukibon ang mga madaoton nga kalihokan nga makita sa sulod sa panimalay ug sa katilingban
3. Magtala ug mga pamaagi diin ang usa makasalmot sa pagpasulbad sa mga madaoton nga relasyon diha sa mga panimalay ug katilingban
4. Mahimong kabahin sa pagpaningkamot aron ang kalinaw ug kahusay makita diha sa matag panimalay ug katilingban

II. Mga Panghuna-huna - Ang pagtukod sa tinuod nga kalinaw maoy makawagtang sa madautong relasyon

Galamiton : Bibliya, kwaderno, lapis

III. Mga Kasinatian sa Pagtuon

A. Pangabling Pagsimba

1. Pagabi-abi
2. Awit:

“I’ve Got Peace Like a River”

I’ve got peace like a river (3x) in my soul, halleluiah!

I’ve got peace like a river (3x) in my soul!

“Friends, Friends, Friends”

Friends, friends, friends I have some friends I love

I love my friends and they love me I help my friends and they help me

Friends, friends, friends I have some friends I love

“We Want to Learn to Live in Love”

(tune:Cannonbury)

When others are unkind to us, And make us want to cry or fight

We can reach out to be good friends, And help them know that love is right

“It’s Love, Peace, Joy that Makes the World Go Round”

It’s love, it’s love, it’s love that makes the world go round (3x)

It’s lovethat makes the world go round.

*(Roll over the ocean, roll over the sea,
Roll over the ocean and the deep blue sea 2X)*

3. Pangbling Pag-ampo : Among Dios sa gugma, kalinaw ug hustisya, mapasalamaton kami Kanimo sa kanunay sa Imong makanunayon nga pagtapok kanamo dinhi sa Sunday School. Sa among mga ginikanan, among mga panimalay ug mga higala. Panalangini kami samtang nagtuon, nagbuhat ug nagdula. Tudloi kami sa tinuod nga kalinaw nga gikan lamang Kanimo ug tun-i kami nga mahimong pagtukod sa kalinaw. Kini ang among mga pag-ampo pinaagi sa ngalan ni Jesus. Amen.

B. Ang Pagpangandam

Ipangutana;

1. Unsay inyong nasabtan sa pulong kalinaw?
2. Unsay imong nasabtan sa pulong hustisya?

Ingna : Karon mamati kita sa sugilanon nga magtabang kanato sa pagsabot mahitungod sa kalinaw ug hustisya.

C. Ang Pagtuon

Ibatbat kining maong sugilanon

Tinapay nga Adunay Mani ug Mantikilya

Unang adlaw sa eskwela. Si Mark nalipay kaayo ug naghinamhinam nga moadto sa eskwelahan kay nahuman na ang bakasyon. Mahinamon siyang makita ang iyang mga kaklase. Anaa na siya sa ikatulong ang-ang sa elementarya

Sa matag oras sa pagpahulay makita kanunay si Mark nga nagalingkod ilalom sa kahoy sa akasya nga maoy iyang kinaham nga lugar sa ilang eskwelahan ug didto siya magakaon sa iyang meryenda. Sa dihang paakon na unta niya ang iyang balon nga tinapay nakadungog siyang hilak nga nagagikan sa iyang likuran ug sa iyang gilantaw kini nakita niya ang usa ka batang lalaki nga naglingkod sa sagbot nga nagahilak.

“ Ay bata, unsay nahitabo, nganong naghilak ka man?. Apan ang bata wala manumbaling kaniya ug nagpadayon sa paghilak.

“Hello, ako si Mark, bag-o ka ba niining eskwelahan? Ang bata miyango ug miingon, anaa ako sa klase sa Kinder. Kan-on na unta nako ang akong baon apan adunay dako nga bata nga miduol ug gibunlot ang akong balon ug iyang gihurot pagkaon ug giingnan ako nga kada adlaw akong ihatag kaniya ang akong balon kay kon dili iya akong pasakitan. Dako siya nga bata ug ... “

“Dali magtungang ta niining akong tinapay, mitanyag si Mark. Aduna akoy tinapay nga sobra pagani natong duha. Tinapay kini nga may palaman nga manintikilyahang mani, akong pinaka-ampay nga lami. Gusto mo ba usab kini nga lami sa tinapay ? Ug ang bata miingon ug miyango “ Salamat, ako si Billy “

Billy, pareha sa pangalan sa kanding nga Billy “nagtiaw-tiaw si Mark. Nahibalo ko kung kinsa ang nagkuha sa imong balon. Siya si Ricky ang bata nga mahilig manaug-daug sa mga bata. Kaklase mi Grade 3 pud . Gihimo pud na niya

kanako kaniadto sa dihang bag-o sad ko diri sa eskwelahan. Ayaw kabalaka, akoy magbantay kanimo.”

Sa sunod nga adlaw ang duha ka mga bata nagkita didto gihapon sa maong lugar. Taudd-taudd nagpadulong na si Ricky, sa kahadlok nagpaduol kaayo si Billy kang Mark ug gihawiran niyag maayo ang iyang balonan. “ Hello Ricky, dali uban kanamo, aduna kami “peanut-butter party”. Kini ang akong bag-ong higala, si Billy. ganahan sad siya sa peanut-butter ug nakahinumdum ko nga gusto pud nimo ning maong lami sa tinapay, miingon si Mark samtang gihatag niya ang tinapay kay Ricky. Nahingangha si Ricky samtang nagtindog siya atubangan sa duha .“ Nagpabalot akog dugang para kanimo” nagpadayon si Mark. Gisultihan niya iyang mama unsay nahitabo sa eskwelahan mao nga gidugangan niya ang dala nga balon ni Mark aron adunay mahatag para kay Ricky aron nga dili niya ilogon ang balon ni Billy.

Sa tibuok nga semana, ang tulo ka mga batang lalaki kanunay magkita didto sa maong lugar ug si Mark sa kanunay nagdalag dugang nga balon aron ilang hiusahan ni Ricky. Ug miinogn si Ricky kang Billy, “ Pasayloa ko nga akong gikuha ang imong balon, gusto kong mahimo kang higala”. Ug miingon siya kay Mark, “Salamat sa pagpaambit nimo kanako sa imong tinapay. Karon nasayran ko nga mas maayo gayod nga adunay mga higala nga mahimo natong mapaambit ang anaa kanato. Ang tinapay nga adunay palaman nga peanut-butter mao ang pinakalamian gayud sa tibuok kalibotan.”

D. Pagpalawon /Paginambitay

Ipangutana:

1. Pwede ba ninyong ilhon kung asa didto sa sugilanon ang adunay madautong kahimtang ?
2. Unsa ang mga paagi nga gihimo aron masulbad ang maong kahimtangan. Kinsa ang naghimo sa pagsulbad niini ?
3. Nagtuo ka ba nga kini maoy usa ka modelo sa pagdalag hustisya ?
4. Makasulti k aba nga kon adunay hustisya aduna usab kalinaw ?

E. Pagkaplag sa Kamatuoran diha sa Bibliya

Isulti: Aron adunay kalinaw, kinahanglan kuhaon natopag-una ang mga butang nga naghatag ug walay kalinaw diha sa atong panimalay, sa eskuylhan ug sa iglesia. Ingon nga mga bata, kinahanglan nga tinguhaon nato nga mahimong tagapagdala sa kahusay ug kalinaw bisan asa kita moadto.

F. Paggamit/Pagaplikar sa Kamatuoran diha sa Bibliya

1. Ingna ang mga bata sa pagtukib sa mga daotang relasyon nga nakita nila sa panimalay, sa eskuylahan ug sa katilingban diin anaa sila nahisakop
2. Ipasulat nila ang mga pamaagi kung unsaon nnga makasalmot sila sa pagsulbad niining klaseng relasyon ?
3. Gikan sa mga pamaagi nga nalista, ingna ang mga bata sa pagpilig us aka kahimtang diin ilang buhatan ug dula.ug iapkita kung unsay mahimosa pagdalag kahusay ug kalinaw sa taliwala ning maong daotang relasyon.
4. Ipasulat sa ilang mga kwaderno ang ilang pasalig nga mahimong tagapagdala ug kalinaw sa ilang mga lugar.

G. Panapos nga Pagsimba

1. Dasiga ang mga batasa pagsag-ulo sa bersikulo nga nagkanayon "*Bulahan ang mga madaiton kay tawgon sila nga mga anak sa Dios* (Mateo 5:9)
2. Sa duha nga ipalibot ang plato alang sa halad, ingna ang mga bata sa pagbasa sa ilang pasalig ngadto sa Dios nga mahimong tagapagdala sila sa kalinaw
3. Panapos nga Awit: *"Let there be Peace on Earth"*

*Let there be peace on earth and let it begin with me
Let there be peace on earth, the peace that was meant to be
With God as our Parent, children all are we
Let us walk with each other in perfect harmony*

*Let there be peace on earth, let this be the moment now
With every step I take, let this be my solemn vow
To take each moment and live each moment in peace eternally
Let there be peace on earth and let it begin with me.*

Abril 2, 2017

Ikalimang Dominggo sa Kwaresma: **Ang Marka sa Tinuod nga Mesiyas**

Teksto nga Basahon: **Isaiah 42 : 1-7, Matthew 11: 2-6**

Kinatibuk-ang Panghuna-huna : Ang tinuod nga Mesiyas mailhan diha sa Iyang pagpang-ayo sa masakiton, pagpalingkawas ug pagpasig-uli nga mga buhat.

Susi nga Panghunahuna: Si Kristo mao ang tinuod nga Mesiyas, nailhan siya sa Iyang mga ginahimo.

Pagsabot sa Teksto

Ang libro sa Isaias nasulat sa mabagyong yugto nga nagmarka sa pagpalapad sa Emperyo sa Assyria ug ang pagkahagba sa Israel. Pero kini nga libro nagbukas o nag-abli sa tanang sukod o dimension sa paghukom sa Dios ug kaluwasan. Kalinaw ug ang kahapsay nagmarka sa bag-ong mesiyas diin ang usaka matarong nga hari naggikan kang David. Ang katawhan sa Dios dili na mag-antos sa madaug-daugong nga mga namunoan ugang Jerusalem mahimo na gayod ga "syudad sa Dios". Gitawag sa Dios nga ang haring mesiyas "akong sulogoon". Diha sa Isaias kapitulo 42-53, ang maong termino gigamit sa Israel ingon nga nasod. Pinaagi sa pag-antos sa ulipon diin ang kaluwasan in its fullest sense maangkon. Si Cyrus mao ang gigamit sa Dios sa pagkuha sa Israel gikan sa Babilonia. Apan si Kristo mao ang nagkuha sa katawhan gikan sa bilangoan sa sala.. Siya nahimo "suga sa mga Hentil" (42:6) aron nga ang mga nasod nag-atubang ug

paghukom makabaton ug kaluwasan. Kini nga Hentil nahimo usab nga alagad sa Ginoo. Ang Isaias 42:1-7 nagasulti kanato kon unsa nga matang ang alagad nga gusto sa Dios alang sa iyang katawhan. Ang sulogoon nagkahulogan dinhi ug piniyalan o representante sa nagpadala kaniya. Siya nga magadala ug kahapsay niini nga kalibotan dili mosinggit o mohilak apan magadala ug kalinaw; luya pero andam moayo sa mga nagubang kinabuhi; usaka sulogoon kinsa tawgon nga bag-ong Moses nga magahatag ug kagawasan sa katawhan sa Dios ug magdala ug kahapsay pinaagi sa hustiasya ug kalinaw.

Ang ebanghelyo sumala ni Mateo nagapaila sa mga nanambong o magbabasa sa katumanan sa maong panagna. Sa pagbasa sa Mateo 11:2-6- atong masabot nga si Jesus nga Kristo nalangkob sa klase sa sulogoon nga gusto sa Dios alang sa iyang katawhan. Dinhi atong mahibaw-an nga wala diritsoha ni Jesus pagtubag ang pangutana sa mga tinun-an Apan iya gipadayag kon unsa iyang gihimo ug klaro nga timailhan sa usa ka mesiyas nga diin gipangandoy sa katawhan. Para kanato nga sumusunod ni Kristo, kita usab gihatagan sa kahigayonan nga mahimong alagad o sulogoon sa Dios karon. Sa gilakbit sa unahan, kita gitawag aron mahimong iyang sulogoon ug nagpaabot ang Dios kanato. Hinaot nga tinuoray kita nagasunod sa alagad o sulogoon sa tanan natong gibuhay sa padayon natong panaw sa kinabuhi.

Giya sa Magtutudlo ug Tigpasayon

Si Demagogues mitumaw aron pagpangulo sa katawhan ngadto sa kaparotan. Milampos sila sa paglingla sa katawhan nga nangandoy ug kagawasan ug panalipod. Ilang gipaon ang mga tawo kinsa nag-antos ug makalolooy nga nagpaabot ug mesiyas. Sama sa German nga katawhan niadtong pagdumala sa Nazi. Si Hitler nagbangon sa mga tawo dili lang alang sa panalipod apan para sa panlantaw sa 3rd Reich, ang pagdumala sa Europe sa tibook kalibotan. Napakyas sila sa pag-ilog sa Russia ug miabot ang pwersang Americano ug sa tumoytumoy sa World War II natapos ang maong damgo.

Ang saad sa sayop nga mesiyas maoy nagadominar ingon sa giingon ni Jesus sa mga Hentil. Si Jesus, kinsa tinood nga Mesiyas nakig-uban sa mga ordinaryong tawo aron pagtudlo nila sa pamaagi sa Dios sa pag-ayo nila sa ilang mga sakit, sa paghatag paglaom ug pagtabang kanila sa ilang kaguol, sa pagpahiuli sa ilang dungog ug dignidad ingon nga tawo. Mao ni tubag ni Hesus sa mga kaaway ni Juan Bautista kon siya na ba ang gipaabot nga Mesiyas.

Si Jesus ehemplo sa Dios sa tinuod nga mesiyas. Naghatag siya og usa ka makadasig nga mensahe sa pag-abot sa paghari sa Dios sa kalibotan. Pero iyang giklaro nga ang paghari sa Dios dili maangkon susama sa gingharian sa tawo nga kadaugan, diin pinaagi sa paggamit ug kusog, hinoon motungha kini gikan sa katawhan nga mga kabos sa espiritu, mapaubsanon, maluluy-on, nagabuhay alang sa kalinaw, biktima sa kagubot kinsa giuhaw sa hustisya ug gibilanggo tungod sa hustisya (Mateo 5:3-10) Gipadala si Jesus ingon nga mesiyas kinsa “ moluwas sa katawhan sa ilang mga sala” (Mateo 1:21).

Si Jesus gisangyaw sa kalibotan ingon nga tinuod nga mesiyas sa Dios pinaagi sa pagsaksi sa Iglesia sa mensahe ug maayong buhat. Dili lang igo nga ipaila ang ngalan ni Jesus sa katawhan aron dawaton siya ingon nga personal nga Ginoo ug manluluwas, O isulti nga namatay, nabanhaw ug nagsaad ug pagkabanhaw pinaagi sa pagtuo kaniya. Dili ka na tinuoray ug epektibo nga pagsaksi ni Kristo, tungod kay sa nakita sa mga tawo: nag-ayo siya sa mga buta, nagpakaon sa mga gigutom, nagpahawa sa daotang espiritu ug naghagit sa mga mapahitas-on ug sa mga dili moatiman nga mga naa sa awtoridad sa pagdawat kaniya ingon nga Mesiyas. Ang katawhan motuo gayud sa Iglesya ingon nga saksi kon sila nasinati ang mga benepisyos sa pag-atiman sa Dios kanila sa ilang gikinahanglan.

I. Mga Katuyoan:

Pagkahuman sa klase ang mga magtutuoan makahimo sa:

1. Pagpahayag nga si Jesus mao ang Kristo ug Manluluwas
2. Makasulti kung unsay dili angay himoon sa usa ka Mesiyas
3. Makahimo usab sa pagsaysay kung unsay angay nga himoon sa usa ka Mesiyas
4. Makalitok ug pagdayeg ug pagpasalamat kang Kristo isip tinuod nga Mesiyas

II. Mga Panghunahuna: Si Kristo mao ang tinuod nga Mesiyas. Mailhan Siya pinaagi sa Iyang mga binuhatan ug sa wala Niya mabuhat.

Gamitonon : Balaang Kasulatan, mga larawan ni Jesus ingon nga Mananambal, Magwawali, ug Magtutudlo, papel, lapis ug krayola

III. Mga Kasinatian sa Pagtuo

A. Pasiunang Pagsimba

1. Pagabi-abi.- Abi-abiha ang mga bata sa ilang pag-abot nga mapahiyomon. Pangutan-a sila ug kumustaha usab
2. Mag-awit kita:
Jesus went about doing good the Bible tells me so
Jesus is my best Friend
I Want to be like Jesus
3. Pag-abling Pag-ampo : O Dios, nga among ginikanan, salamat niining bag-o ug matahom nga Dominggo. Salamat a pagtipon nimo kanamo dinhi niining among Sunday School. Among giampo ang among mga higala nga wala makauban kanamo karon nga ikaw magauban kanila sama a imong pag-uban kanamo. Salamat sa imong gugma kanamo pinaagi sa paghatag kang Jesus kanamo ingon nga among Manluluwas. Kini among mgapag-ampo pinaagi kang Jesus. Amen

B. Ang Pagpangandam

Ipangutana:

1. Unsay buot ipasabot sa pulong “Manluluwas”
2. Kinsa ang atong Manluluwas ?

Isulti nga si Jesus dili lamang atong Manluluwas kon dili Siya usab mao ang atong Mesiyas. Ang Mesiyas mao ang Ginoo nga maoy mag-agak sa katawhan sa Dios ug magauban kanila . Ato karong paminawon ang tutulo ka mga sugilanon nga naghisgot kung unsay kanunay ginahimo sa usa ka Mesiyas.

C. Ang Pagtuon

Isulti kining musunod nga mga sugilanon

Ang Buta Nakakita

Si Bartimaus gipanganak nga usa ka buta. Dili siya makatrabaho tungod kay buta man lagi siya. Busa sa iyang pagtubo ug pagdako makit-an siya nga anaa nagapalimos diha sa ganghaan sa templo. Sa naglingkod siya diha a pultahan sa templo nadungog niya ang mahitungod kang Jesus nga Mananambal sa adunay mga sakit ug balatian. Usa ka adlaw niana nakadungog siya nga si Jesus nagpadulong sa templo busa misinggit siya sa makusog nga tingog “Jesus palihog tabangi intawon ako” Ang mga tawo nga duol kaniya mibadlong ug giingnan siya sa paghilom apan misamot na hinuon ang iyang pagsinggit sa makusog gayod nga tingog, Jesus, palihog, tabangi intawon ako” Nadungog siya ni Jesus ug miingon kaniya, “Unsay buot mong akong buhaton kanimo? “ Ug si Bartimaus mitubag, Palihog tabangi ako, gusto kong makakita pag-usab “

Unya gihikap ni Jesus ang iyang mga mata ug diha diha dayon nakakita siya pag-usab. Gitan-aw siya sa mga tawo ug tinuod nga ang iyang mga mata naablihan ug nakakita na gayod pag-usab! Milakaw siya nga naglukso-lukso sa kalipay ug nagsing-singgit nga nag-ingon “ Makakita na ako ! Makakita na ako “

Ang Gamay nga Babaye Nabuhi

Ang pinalanggang anak ni Jairo nagkasakit. Miadto siya kang Jesus ug naghangyo nga unta ayohon ni Jesus ang iyang pinalanggang anak gikan sa balatian niini. Apan sa wala pa si Jesus makaadto sa balay sa bata ang suluguon si Jairo miabot ug miingon kanila nga ang bata patay na. Apan sa gihapon miadto si Jesus sa balay sa bata ug misulod sa lawak diin ang bata nahimutang, miduol siya sa katre nga gihigdaan sa bata, gikuptan ang kamot niini ug miingon , “ Inday bangon”. Ug mibangon ang bata ug nabuhi siya pag-usab.

Ang Pagpa-ambit sa usa ka Bata

Daghang mga katawhan ang misunod kang Jesus bisan asa siya moadto. Kining baga nga katawhan nga misunod Kaniya gustong mamati sa Iyang mga pagtulon-an labi na mahitungod sa dakong gugma sa Dios ug pagtagad kanila.

Usa ka adlaw niana, ang dakong duot sa katawhan, mga lalaki ug babaye ug bisan pa ang mga bata misunod kang Jesus sa gawas sa lungzod. Sa pagkadapit hapon gigutom na ang tanan. Ang mga higala ni Jesus wala makakitag paagi kung asa sila makapalit ug pagkaon alang sa baga nga katawhan. Unya adunay usa ka batang lalaki nga mitanyag sa iyang balon nga lima ka tinapay ug duha ka isda . Gipanalanginan kini ni Jesus ug giapod ang pagkaon ngadto sa tanang mga katawhan nga nagalingkod sa balili. Ang tanan nabusog ug gani adunay pay nahibilin nga dose ka basket nga puno sa mga pagkaon.

D. Pagpalawom /Paginambitay

1. Unsay buot ipasabot sa pulong Mesiyas ? (Mao Siya ang pinadala sa Dios)
2. Unsay imong nahibaw-an nga dili mahimo sa Mesiyas ?
3. Unsa usab ang mahimo sa Mesiyas?
4. Kinsa ang atong Mesiyas ?

E. Pagkaplag a Kamatuoran diha a Bibliya

Isulti kini : Si Jesus ang atong Mesiyas. Gipadala Siya sa Dios aron sa pagpakig-uban kanato. Mihimo si Jesus ug daghang kahibulongang butang alang kanato. Nasayod ta nga gihigugma kita Niya tungod ug pinaagi kang Jesus. Ang mga katawhan, nga miila kang Jesus nga iyang Ginoo sila usab mohimo ug maayong butang ngadto sa uban. Kita usab makahimo ug maayo ngadto sa ubang katawhan sama sa gibuhat ni Jesus aron makita sa mga tawo ang dakong gugma a Dios kanatong tanan.

F. Pag-aplikar sa Kamatuoran

Ingna ang mga bata sa pagguhit ug usa ka dibuho nga nagpakita ug pagpasalamat kang Jesus ingon nga atong Mesiyas.

G. Panapos nga Pagsimba

1. Awita kining mga kanta:

Nobody Is Too Young
 Nobody is too young, nobody is too small
 To be a helper in the home (school, church)
 There's work enough for all.

Sunbeam
 Jesus wants me for a sunbeam to shine for Him each day
 In every way try to please Him at home, at school at play
 A sunbeam, a sunbeam Jesus wants me for a sunbeam
 A sunbeam, a sunbeam I'll be a sunbeam for Him.

2. Ingna ang mga bata sa paghalad ug pagpasalamat kang Jesus. Ipasa ang plato alang sa halad samtang naga-awit ang tanan.
3. Panapos nga Pag-ampo : Hangyoa ang matag usa nga mohatag ug hamubo nga pag-ampo.

April 9, 2017

Madaugong Pagsulod sa Jerusalem: **Si Jesus Nakigtagbo sa mga Gamhanan**

Daang Tugon: **Zacarias 9: 9-10**

Bag-ong Tugon : **Juan 12: 12-19**

Kinatibuk-ang Panghuna-huna: Si Jesus misulod sa Jerusalem aron sa paghagit sa mga gamhanan nga maoy hinungdan kalisdanan sa katawhan.

Susi nga Panghuna-huna: Si Jesus madaugong misulod sa Jerusalem aron sa pagpahibalo sa Iyang misyon dinhi sa kalibutan- ang pagluwas sa mga katawhan.

Pagsabot sa Teksto

Ang ministryo ni Propeta Zacarias nahitabo sa paghuman sa pagkabihag sumala sa mga eskolar mao kini ang panahon sa mga Judio pagpasig-uli gikan sa pagkabihag sa Babilonya. Ang teolohiya sa panagna ni Zacarias motakdo sa iyang ngalan, nga nagpasabot nga "Ang Dios nahinumdom". "Ang Dios", mao ang personal, pakigsaad sa ngalan sa Dios ug mao ang usa ka walay katapusan nga pagpamatuod ngadto sa pagkamatitud-anon sa mga saad sa Dios. "Nahinumdom" ang Dios sa Iyang pakigsaad ug nagsaad ug molihok sa pagtuman kanila. Diha sa basahon ni Zacarias, ang saad nga kaluwasan sa Dios gikan sa pagkabihag sa Babilonya, lakip na sa usa ka pagpahiuli nga gingharian sa komunidad ug sa usa ka naglihok nga templo, modala ngadto sa mas hulagway sa kaluwasan ug pagpasig-uli nga moabut pinaagi sa Mesiyas. Ang basahon nga ingon sa usa ka bug-os nga nagtudlo usab sa pagkahari sa Dios sa kasaysayan ug sa mga tawo ug mga nasud: nangagi, karon ug sa umaabot.

Ang teksto sa Zacarias 9: 9-10 mao ang usa ka pamilyar kaayo nga teksto nga nahitabo sa panahon ni Jesus, ilabi na sa madaugong Pagsulod ni Jesus sa Jerusalem ingon nga usa ka hari nga nagsakay dili sa usa ka karwahe apan sa usa ka asno. . Kini nagapaila kanato sa mapainubsanon nga pakigharong ni Jesus sa mga gamhanan; diha sa usa kinatibuk-ang kalainan panglantaw sa katawhan. Usa ka daku nga kalainan sa pagdumala ni haring Alexander, nga gitukod sa pagpaagas sa dugo, ang Mesiyanhong Hari sa pagtukod sa usa ka universo nga gingharian sa kalinaw ingon nga ang hingpit nga katumanan sa pakigsaad ni Abraham. Busa, ang tanan nga mga anak ni Sion ug sa Jerusalem gitawag sa pagsinggit ug magmaya alang sa ilang matuod nga hari, nga nahiuyon sa mga balaan nga sumbanan sa moralidad ug sa pamatasan, sa katapusan miabut kanila.

Ang Ebanghelyo ni San Juan mao ang pinasahi sa tulo. Sa bisan unsa nga hitabo, ang iyang pagsaksi kang Jesus moadto sa iyang kaugalingon nga paagi, ang gipasundayag sa mga butang nga sa ubang mga Ebanghelyo magpabilin bug-os ug mga atrasado. Dinhi, ang focus anaa sa ibabaw sa "ilhanan" sa pagkatawo ug misyon ni Jesus ug sa taas, sa teolohiya-dato nga mga pakigpulong / mga diskusyon. Si Juan nagsugod uban sa lawom nga pahibalo nga si Jesus mao ang "sa sinugdan" ingon sa mga paglalang sa Pulong sa Dios nga nahimong nagpakatawo sama sa usa ka tawo nga mahimong sa kahayag sa kinabuhi alang sa kalibutan.

Human niini, moabut ang pahibalo nga si Jesus mao ang Anak sa Dios nga gipadala gikan sa Amahan aron sa pagtapos sa buhat sa Amahan sa kalibutan. kaugalingon nga himaya sa Dios mao ang gihimo, nga makita diha kaniya.

Ang maong kalihokan sa ebanghelyo ni Juan 12: 12-19 mao ang katumanan sa panagna ni Zacarias diin gihimo ni Jesus ang Iyang dalan ngadto sa Jerusalem aron pag-atubang sa mga may gamhanan. Kini nga panahon, atong makita pagpasabut sa panagna nga: sama sa paggamit sa mga sanga sa palmera nga gigamit sa pagsaulog sa kadaugan; ang mga singgit sa mga tawo nga nagabi-abi kaniya ug gitawag ug "Hari sa Israel" nga sa ngadto-ngadto nakapaspulbo kahadlok sa mga Pariseo.

Kini nga mga teksto nagapadayag kanato nga kon anaa si JesuKristo uban kanato, bisan pa unsa ka gamay ang atong hunahuna, samtang kita magpabilin nga tinuod nga mouyon sa balaan nga sumbanan sa moralidad ug pamatasan; samtang magpabilin kitang mapainubsanon sama ni Jesus, kita malampuson nga moatubang sa mga may gahum ngania sa atong panahon. Magpabilin kita nga mapainubsanon diha sa pag-alagad sa Dios nga nagahatag kanato sa kalig-on ug sa gahum sa pagtuman sa misyon sa Dios, samtang magpadayon kita sa pagpamalandong ug sa pagpangita sa katuyoan sa Dios niining panahon sa Kwaresma.

Giya alang sa Magtutudlo ug Tigpasayon

Ang katapusang buhat ni Jesus sa paglingkod diha sa trono sa nasud mao ang gahum sa pagtak-op sa iyang mesiyanhong misyon. Siya nakaamgo nga ang pagkaalaot sa katawhan nga gipahamtang kanila diha sa mga awtoridad sa Jerusalem sa panagkunsabo sa Imperyo sa Roma. Sa katapusan, ang iyang mesiyanhon nga dalan gidala siya ngadto sa usa ka makalilisang nga komprontasyon uban sa mga may gahum sa kalibutan. Sa iyang hunahuna, dili kini kalikayan ug gikinahanglan.

Mao kini nga mahinungdanong punto sa kinabuhi ni Jesus diha sa ideya sa bug-os lamang espirituhanon misyon ni Jesus. Kon ang iyang misyon walay labot diha sa yutan-ong pagmando, dili na kinahanglan alang kaniya sa pag-adto sa Jerusalem tungod kay midaog na siya sa daghang panon nga mga mag-uuma sa Galilea. Ang siyudadnong populasyon sa Jerusalem dili lagmit managpakiling sa pagpaminaw sa usa ka rural nga propeta nga kulang sa kahibalo alang pagkamagtutudlo. Tingali ang uban nga mga nakadungog kaniya ug nakadayeg, apan sila gipalabi nga magpabilin sa tungang gabii bisita sama ni Nicodemo o wala mailhing mihatag sama ni Jose nga taga-Arimatea.

Apan iyang naamgohan nga dili mabasol ang katawhan sa ilang makalolooy nga kahimtang. Wala siya motuo nga sila mga masakiton, mga kabus, giyawaan, ug uban pa, tungod kay sila mga makasasala ug gisilotan sa Dios. Hinunoa, sila gipasagdan ug gipahimuslan sa mga awtoridad sa Jerusalem, diin nag-atiman lamang sa pagpadayon sa ilang politikanhong koneksyon uban sa Roma ug maka-kwarta gikan sa bug-at nga mga buhis nga gipahamtang sa mga tawo.

Misulong si Jesus sa templo aron sa pagtangtang sa mga makinarya sa pagpahimulos diha sa matang sa pagpanlupig nga wala mogamit ug pangahas. Siya nasayud kaayo, unsa ang

mga buhaton sa awtoridad kaniya. Apan siya naghunahuna unsay sangputanan niini, kay sa pagtago sa iyang kaugalingong kahupayan sa Galilea.

Alang kaniya, ang pagsulod sa mga ganghaan sa Jerusalem panahon sa Iyang kadaugan, alang sa iyang kinatibuk-ang pagpahinungod ngadto sa iyang misyon sa walay paghinayang kon unsa may sangputanan iini sa iyang kinabuhi. Ang iyang desisyon sa pag-atubang sa mga may gahum sa Jerusalem ug sa Roma mao ang katapusan nga gutlo sa iyang mesiyanhon ug balaan nga tawag. Siya boluntaryong migakos sa kamatayon aron pagpahibalo sa paghukom sa Dios sa ibabaw sa mga moral ug espiritwal nga tulubagon sa nagharing mga gamhanan sa kalibutan alang sa mga tawo diha sa ilang mga pag-antus. Diha Sa may makiangayon ug walay sala nga tawo nga gipatay sa paglansang sa krus, ang mga awtoridad nagpakita sa ilang pagsukol sa hustisya sa Dios, sa ingon mawad-an sa lehitimong moral ug espiritwal. Kini mao ang usa ka lit-ag nga gikuha sa Yawa adlawon ug himoon. Dautang mga awtoridad naka mahimo sa paggahum sa pangahas ug pagpanlupig apan dili na sila magsul-ob sa maskara sa Dios.

Karon, ang mga kasimbahanan nagapadayon nga saksi sa hustisya sa Dios ilabina sa kalabot sa pagpatay sa mga matarung ug sa walay sala nga naghimo sa nagharing mga gamhanan dili matago sa lehitimong hustisya nga mas klaro, nga nagpadayag sa ilang tinuod nga kinaiyang-kurap, abusado, madaugdaogon ug malimbongon. Sa panahon lamang kini, ang panahon sa Dios, sa diha nga ang Dios makaamgo sa awit ni Maria:

Ang iyang kalooy anaa sa mga tawo nga mahadlokon kaniya sa pagbuhat sa dautan, gikan sa kaliwatan ngadto sa kaliwatan. Siya nagapakita ug kusog sa iyang bukton; siya nagapapatilaag sa mga palabilabihon tungod sa hunahuna sa ilang mga kasingkasing. Gidala niya sa ubos ang mga gamhanan gikan sa ilang mga trono, ug gibayaw niya ang mapinaubsanon; siya napuno sa mga gigutom sa maayong butang, ug gipalakaw ang mga dato nga walay dala. (Lucas 1:52)

I. Mga Katuyoan

Nga sa pagkahuman sa leksyon ang mga bata gipaabot nga :

1. Mapabalik lantaw ang madaugong pagsulod ni Jesus sa Jerusalem
2. Matuki ang yutan-ong misyon ni Jesus sa pagluwas sa mga katawhan gikan sa tawhanong kalisod
3. Maitala ang mga pamaagi unsaon sa pagpakunhod sa tawhanong kalisod.

II. Mga Panghuna-huna : Ang maisugong pagsulod ni Jesus sa Jerusalem aron sa pagpahibalo sa iyang yutan-ong misyon nga mao ang pagluwas sa mga katawhan gikan sa nag-ulipon kanila.

Galamiton- Bibliya, lab-as nga dahon sa palma (o bisan unsang dahon nga makuha) kwaderno, lapiz, ballpen, ginunting nga mga cartolina, gamit sa pangmarka

III. Kasinatian sa Pagtuon

A. Pangabling Pagimba

1. Pag-abi-abi. Pangutan-a ang mga bata kung unsa ni nga Dominggoha. Timbayaha ang mga bata ug “ Maayong Domingo sa Madaugong Pagsulod ni Jesus sa Jerusalem” sa ilang pag-abot.

2. Kantaha kining mga musunod nga mga kanta:
“Ho-ho-ho-Hosanna, ha-ha-ha hallelujah
He-he-he he saved me, I’ve got the joy of the Lord (balikon)

Hallelu- hallelujah praise ye the Lord
Praise ye the Lord hallelujah (3x) Praise ye the Lord

3. Pasiunang Pag-ampo : Madaugong Dios, gidayeg Ka namo niining Domingo sa Palma. Misinggit kami sa kalipay Ginoong Dios, ngari sa among taliwala, ngari sa among mga kasingkasing ug maghari Ka kanamo. Kini ang among mga pag-ampo sa ngalan ni Jesus. Amen.

B. Ang Pagpangandam

Hatagig tagsa-tagsa ug mga lab-as nga dahon sa palma ang matag bata Pangutan-a sila kung unsay kahulugan sa dahon nga palma niining maong Dominggo.

Hatagig higayon ang matag bata nga makapa-ambit sa ilang nahibawan mahitungod sa madaugong pagsulod ni Jesus sa Jerusalem.

C. Ang Pagtuon

Pag-istorya sa sugilanon

Ang Unang Adlaw sa Madaugong Pagsulod ni Jesus sa Jerusalem

Usa ka adlaw niana, si Jesus ug ang Iyang mga tinun-an nagpadulong ngadto sa Jerusalem. Samtang sila nagpanaw miabot sila a lungsod sa Bethphage duol sa bukid sa Olivo. Si Jesus ug ang iyang mga disipulo mipahulay sa makadiyot.

Gitawag Niya ang duha Niya ka disipulo ug gitudloan Niya. “ Adto kamo sa sunod nga baryo ug sa inyong pag-abot didto aduna kamoy makita nga nating asno nga hiniktan nga wala pa gayod nasakyan . Badbari ninyo ug dalha dinhi kanako. Ug kung adunay makakita kaninyo ug mangutana nganong gihimo ninyo kini, ingna nga ang Magtutudlo nagkinahanglan niini ug ibalik lang unya dayon pagkahuman”.

Busa milakaw sila ug tuod man nakita nila didto ang usa ka nating asno nga gihikot sa pultahan sa usa ka balay. Samtang gibadbaran nila ang higot ang tag-iya miingon kanila , “ Nganong gibdbaran man ninyo kana ?” Ug sila mitubag, “Ang Magtutudlo nagkinahanglan niining nating asno, ug ilang gidala ang maong asno kang Jesus. Ug gibutangan nilang kupo ug mga panapton sa buko-buko sa asno ug gitabangan nila si Jesus sa pagsakay niini.

Ang dakong panon sa katawhan nga mitambong alang sa Pangilin sa Pasaylo nakadungog nga si Jesus moanha sa Jerusalem busa nanguha silag palwa sa palmera ug nanggula aron sa pagsugat Kaniya. Kining duot sa katawhan misinggit

nga nagaingon “ Dalaygon ang Dios, Bulahan siya nga mianhi sa ngalan sa Dios”. Ang Dios manalangin sa Hari sa Israel. “

Kining mga katawhan nagkinahanglan ug usa ka hari nga maoy moluwas kanila sa kalisod tungod kay ilalom sila sa gahom ug panggobyerno sa Roma. Miabot si Jesus kanila aron mahimong ilang hari ug ang mga katawhan mapasalamaton niini. “Hosanna, bulahan ang hari nga mianhi sa ngalan sa Dios “

D. Ang Pagpalawom

Hisgoti:

1. Kinsa ang hari nga mianha sa Jerusalem ?
2. Nganong nahimong Hari si Jesus? Asa sila nga dapit luwason ni Jesus“
3. Unsa-unsang mga butang nga nakahatag kanilag mga kalisdanan ilalom sa pang-gobyerno sa Roma”

E. Ang Pagkaplag sa Kamauoran diha sa Bibliya

Ipangutana:

1. Unsa kaha ang mga hinungdan nga adunay mga kalisdanan nga gihambin sa mga katawhan karon ?
2. Unsay mahitabo kung atong tugutan si Jesus nga mahimong hari sa atong kinabuhi ?

Ingna: Si Jesus mao ang pinalanggang anak sa Dios nga mianhi alang kanato ug makig-uban kanato ug magluwas kanato gikan sa tanang matang nga mga kalisod. Si Jesus ang bulahang Anak nga mianhi sa ngalan sa Dios. Kung atong tugutan si Jesus nga atong Hari, atong mahimo ang misyon ni Jesus sa pagtabang sa mga katawhan nga nahiangom sa tumang kalisod ug pagluwas kanila gikan niini nga kahimtang.

F. Ang Pag-aplikar sa Kamatuoran sa Bibliya

1. Sa ilang mga kwaderno, ipasulat ang mga paagi unsaon nila pagtabang sa pagpakunhod sa mga kalizod nga ilang natagamtaman.
2. Sa bug-os, hisgoti ang tanan nga naitala nga mga pamaagi ug maghimo ug hiniusang listahan.
3. Gikan sa hiniusang listahan, isugyot sa mga bata sa pagpili ug aksyon/lihok nga makahimo sa pagpakunhod sa tawhanong kalisod ug himoa nga ilang masulat kining maong aksyon diha sa ginunting nga kartolina. Itapot kining gamay nga kartolina sa dahon sa palmera nga dala sa mga bata.
4. Pagkahuman, sultihi ang mga bata sa pagwara-wara sa ilang dala nga dahon sa palmera samtang nagmartsa palibot sa kwarto ug magsinggit “ Hosanna, mahimo akong kauban sa tahas ug ministryo ni Jesus”

G. Panapos nga Pagsimba

1. Dasiga ang mga batasa pagsaulo sa ilang bersikulo “ *Hosanna, bulahan siya nga mianhi sa ngalan sa Ginoo – ang Hari sa Israel*” (Juan 12:13b)
2. Panapos nga Awit: Ho-ho-hosanna . . .”
3. Panapos nga Pag-ampo : Mahal nga Dios, salamat sa pagpadala Mo kang Jesus alang kanamo aron mahimong maong Hari sa among kinabuhi. Tabangi kami ug tultuli nga mahimo namo ang misyon nga mao usab ang misyon ni Jesus – ang pagluwas sa imong katawhan. Gamhi kami sa pagbuhat sa imong kabubut-on kanunay. Kini ang among pag-ampo sa ngalan ni Jesus. Amen.